

Epucit Loka Arupepen
Jeffersonville, Indiana, U.S.A.
64-0719M

1 [koyoi onac Kristo lomam epukoritai. Koyoi atukos iyuu bon.] Etuluroto akwes wok.

Ejakait, toma apak adiopet alimunitos, ikon iyakia luminan, "Isisianakinai isio ailip." Neianyuna oni Edeke loepol loka Akuj, imisiiki isio ekadakada loijaar isio. Kanukangun isisianakinai isio ailip, Ejakait, koutaun kosi kwana, kanu iboro luimedaikinet akabakanut Kon ka kanu ibulesin Kon. Ijeni Jo eipud loka ngitunganan kane.

Ido Kotoma abao kane, atupuruc na, ejaasi itabalan ka aleson, ka ibaluan lujukunito luipudas agangat nakakuan, ka nuekal, kace kere nuperaunos. Konye Ijo irai Edeke, ido ilipi isio Jo kokiror loka Yesu, OkokuKon lominan, ebe itangaleuni Ijo nginidiope kalu. Ido emina kojaasi ice ne luemamete itabalan kane, arai ibaluan, luekotosi adumun angaleu.

Eminasi atiepak ice kojaasi kinga airimun akwapin, anatar akwap, luemina atee na airiamakin koreria kec arai okanisan kec. Ipedori isio ailip, Ejakait, ebe nape elosi aijaanakin ngaren, Kotoma...arai ejai atee eboliao, arai ijai oni toma aiboisit naikoni ai, arai ojautene, ilipi Edeke loagogong loka Akuj koinak aiyapepara naka itaun wok aibuses atupuruc na, ido itangaleu luipudasi, koinak kes nuipudasi kesi.

Isirereng isio kwana Kotoma aijaanakin naebunit. Kiner kama kosi, adepar nelem sek, kanu Akabakanut naka Edeke. Idarit isio, Kokiror loka Yesu, kanu abongokinet Kon. Amen.

(Ijo ipedori aingarakin eong kede nu?) [Isukunyari Onac Branham iboro awai naka etut.]

2 Ejok ajaut ne toma okanisa bobo atupuruc na. Ido ajai eong einer ka ipaper ice luerai alomun napena ko Ohio, nejai ipese yenididi, na ayaunio kwap ne ilapio idis kokau, yenajai atwanare kanu ekansa loka aokot. Ecanasi itunga noi, iuriak. Ido emamei eong apak atupuruc na kanu aisiom ajenanut naelosi ngaren Kotoma afail. Konye koany aput naka ipese yenididi akaul apaarasia auni, eiyuunit eong arai, akaul naelipakinere nges. Ainakitos imurwok ya bon apaarasia auni kanu ajar, ido akaul apaarasia auni mam kes apedorete adumun araida idiobore. Ido kanukangun ejai ya osomero, iyalama noi. Acamunit eong imeeban luka okanisa iitutos nejajar oni ka ya ne toma agola.

Ido ikoku yenididi da yenauruno ka amoeteka, bala, kokinga. Ecepone imurwok, ka ejautene yenididi eipone loasubitere amoeteka, mam apedor ainyakakin bobo. Akuriaka kesi atiror ikoku, arai ikoku yenarai aurun ngipengin. Ido kwana, ikesa yenididi erai nepetai ekaru ediope loapolou, aomit eong, icebore kwangin, ka amoeteka nuemamei ationis, nginibore kere ejai ejok kwape epedoria. Erai bon asianut naka Edeke, ebe eipone loejokunar Nges mamawok.

3 Kwana, lolo, akoto eong alimor ebe airiamun najjai oni aitemonokin, ajai eong aitemonokin alosit esabit loebunit toma Africa, ngina ka Onac Yosepu Boze, toma Kenya ka Tanganyika. Mam oni ipedori ajaun kairiamun, kaisiraret naejuku Onac Boze, "osabiti loatubor aponi koyari iuni Kotoma ikalimonokin wok, ido koyararai.

Ido ejai amumu elosi ngaren kangina kwapekwana. Ido ejaasi luka epamurone idadanarete imuudun nejaasi ikulepek akwap, kolimitos ebe ejaasi atakerin esiponokitai airimun, China naka Rengan ka Russia; ido koleminikinet imuudun nejaasi ikulepek akwap, konye mam kesi emisiikitos da eipone loitosomaet kes bon nejai idiobore yeneanyunete kesi itosomaete nges Kotoma. Kanukangun, ngina, abu apugan koomoom ebe mam ejokuna ajaun kairiamun kapak kana. Ido kwape amisiikitor eong, da, ebe Onac Boze mam ber epedori angaar esomeroke Kotoma aiboisit kana, neabeit eong alosit, kapak kana. Konye mam ilemarit, isukunyiki bon ngaren kitoni nepedoriata kesi aisinapikin aiboisit bobo.

4 Epol aiyalama noi atupuruc na kanu aanyun, kakidingot wok bobo, akaulo amamuun ikar luipu, Onac Jackson, Onac Sidney Jackson ka Inac Jackson, luka Ngalakimak naka Africa. Kesi enerata? [Kotemari Onac Neville, "Eebo."] ido itunga lu araas ikanacan ka inac obe, ka ikeswamak Kotoma alimonokin kongalakimak naka Africa, kosapali loatubor. Lo, imuno oni ebe acepaaran, kanuka asianut naka Edeke, abongor ka kes bobo, naarai ejai eipud.

Ido ajai ber eong atamit adaun ikar ikanyangon abongor. Konye, kanuka erionget, ka ice da mam kes ecamakinete eong abongor. Kanuka kangun ewadikaikit eong kes ebalua pac, kasodi atemar, "Kanenido kojaunos aokot nuka imoyon ngun luewoliorito mamakus ido mere neka." Naarai, eyuunit eong ebe ekot lem Edeke aitoswam aijaanakin kangina, kanu itunga kangun, kanu apak ace. Ido kanuka atiakataketa iriongeta kec, mam kes ecamakinete eong abongor. Konye, ejok, idari Ejakait ngun.

5 Kwana, nuakoto eong alimun atupuruc na, ebe arai kitojok Ejakait, elip Onac Neville eong ajaun kaijaanakineta lolo, ido ka Kotoma owema. Kanuka kangun oni...inyarautai yes kere. Ido konyet asabiiti naetupakin itojok Ejakait, abuni eong ajaun ne, da; kanen do acepak kanu asabiitin aarei arai auni nuetupakinete, naarai kanuka amamus naka kanu, araut aitwobounet naka airiamun kana najai aitemonokinio.

6 Kwana, oni da ikoto alimun, ebe, acepak ti oni kilimonok nuka Arupepen Akanyaareei toma apak na. Apotu kaumokisi Eipone lo ti kilosio oni aswam ngun Kotoma akadakada naka alalus naka aduketait ka aitakadinikinet nuka acuma naekusi ekwam, emamei ekwam agoola. Mam ber ibwaikitai kanu aikut ekwam. Ido kitamit aipagisaun esemero loejai kuju ne, loekusi acuma ekwam, loisiboikini nepetai...Oo, mam eong ajeni; erai aiboisit nelal ejok, esemero loejok. Konye amamei ibore idumuni oni.

Ido, ti epedo, ti einakisi oni osabiiti loetupakit. Konye, esabiiti loetupakit? Iteijo, ejai ekodet loebunit Kotoma aiboisio nuegelegela nuka akwap; koJamaika, ka koKidoi, ka KoNgalakimak, araida toma Ngalakimak naka America, ka Canada, ka Mexico, kairimor atekerin. Ido apotu oni ejukasi aisiranareta kinga nabalasa, kanen do mam kes apotu kodumutu kes kitoni nepetai Naiuniet arai Nawonget; ido konyet ajai eong ailipun apak ajaun awai, kace da, na ti ecakaa nges, awai kinga.

Isabiitin luetupakinete, amear, Kitoni apak naesemero, arai, ejaun ijo ayangaar nges akwaar adiope, ido kanen do aiyengun acepak akwaar arai aarei, kanen do ogeari bobo, mam ti oni kipedo aswam ngun. Mam ti ijo kipedo ngun.

7 Kaumok eong kanukinyo, konye kelipete eong ka amuno kere. Ido konyet erai nepetai apak kanu oni abongor toma Arizona bobo, kanu idwe abongor osemero. Ido kanen do oni...ajai eong einer ka aberu.

Ido, Ee, bian abu eong kalot agoola, ido abu eong katema, "Ejakait, acepak mam eong alosi aitosom akiro nuipu, konye, komisiik, okwe, Edeke, nuabala eong kotauka. Inyobo ationis ebe nginibore etuboro awai kanejai alimonokin Arupepen ngun?" ido kanen do kobuni Ngesi apukor kes. Ido kwana atupuruc na, akoto eong alimokin yesi alosikinet kanukinyo.

Ido kwana aso oni, ingai ejai Ebaibuli ido okoto, apukosi iwok Baibulin. Ipukori oni nasodit Ilebin, esula lo 23 lo Ilebin.

Arai kitojok Ejakait, lolo alosi eong alimonokin Kotoma akou naka Akirot: alosit juwai naka iswamin. Ido ewurianar, ido ipedori ijo ajaun ka apak nabongoret obukusio kanu aswam.

8 Iyalama isio aanyun ipejok Kotoma, itunga lueponitos kokinga naka eibuga. Itunga idi kane lueponitos okinga naka eibuga, iroko oni imoot? Akaisakanyangon ikany Kotoma akwatat, Eebo, akaisakanyangon kanukanyauni Kotoma akwatat naka atukos. Kanukangun, iteijo mam erai Jefersonville, erai itunga lueponitos toma Jefersonville, kes iswamaunete...ijai oni ne kanuka asianut naka Ejakait.

Ido kwana akoto eong aisiom aboisio auni atupuruc na. Adiope kakesi idumakini oni toma Olebin esuula lo 23, ido loce ejai toma Isaia 18, ka Isaia 27, yes lujjaas aiwadik ngun.

Ido kwana aiboisit naka alimonokin...kitojok Ejakait, abuni eong aswam ngun lolo. Konye akoto eong aisisianakin, atupuruc na, Kotoma opucit loka arupepen. Nu, elap lo erai epucit loka arupepen akanyaareei, egear...ido loerai elap loikanyet kaarei, lo ti erai olap loikanyet apaarasia 15, nges ageunet naka epucit loka arupepen, Kotoma okisila luka Ilebin.

9 Kwana, ido arai itingitos yes apapulai kus ka iboro, ido kokotosi aiwadik Nuiwadikatai ka akou naka akirot, kaice da, kwape ingikokitor oni alosit.

Ejai idiope bore toma airiamun na, emwana, kosodi inakit oni ngun Kotoma okar. Konye emina icetunganan aomoom ebe eyuunit eong ebe nailomara oni toma aduketait na ebe itwobwouni oni apak, acepak, ido atutubet, atutubet Kotoma aijar naikar kere, eipone loawojau naesiba eong eong itunga. Mam eong alosikit korai eipone ngon. Konye eyuunit eong ebe ijai oni ijari edunyakina noi toma Abunere naka Yesu, naejai eong aikamun arereng naka nginidakika najaatar eong keda itunga nepepe.

Ido ajai eong aomoom, nape ajaar eong ederepai korot apak adio kokau, ajaut kinga kanu ailip naedit bon eringa elomara otut, kwape iswama edio ekalimonokinan loka abeit loiyapepeara. Ajai eong aomoom, "Ijeni jo, ijai oni ainumunum apak naka aibuses kakere neiriamunor oni nepepe! Konye, ido itunga atukonokin anyoun kodistrikta luipu, aiboi cut Kotoma kane kwana, anyoun awai kanelwana, akwat nuka akwat nuka amairon, ido oni atukokin nepepe toma aimor airimun Akirot. Konye ebunit apak, atipet, neraunotor nu bon aitun naipup ejok." Erai ngin abeit.

Elemario apakio nu kamawok, kanukangun do ibusakinit oni aswam ngun kere nuipedori oni aswam, aiswamaun nu, nginidakika, epol. Ido koomom nu kwana, nape iticanitor oni Kotoma amwanis naka atupuruc. Ido, ijeni jo, nginikuan naka etunganan erai eketoloman naka amwanis, nges alopet, ido iswamai nges ngun kagogong Kotomakon. Ido, konye akoto eong yes amisiihin Akirot.

Kwana, bon eringa oni esioma, kelipa.

10 Ejakait, idiotunganan kaluipu kane luepedorete aisukuny akanin kec, epedorete aipuk apapulai nuka Ebaibuli kalo. Konye ejai konye Ediope akidingot kosi atupuruc na loepedori apukor Ngun; nges Emoyo Lokalaunan loepol, loejai akidingot. Kopukokinai isio Akirot, Ejakait, kwape kisiomia, kwape kiswama Jo nejaasi ikesisiak, nape elosete korot kec abear Emaus, "Mam tope amulaete iwokotauon naenerar kaoni

korot?" naarai erai Kokiror loka Yesu kilipia ngun. Amen.

Kabwoata Kotoma aiyapepeara neejai Akirot.

11 Kwana, akouka naka akirot atupuruc na erai: Epucit loka arupepen. Akoto eong aisiom kwana Kotoma okokoro lo 23 loka esuula lo 23 loka Ilebin.

Kotema Ejakait Musa atiar.

Kolimok idwe luka Isirael ebe, olap lokikanyetkaari,

Kapaaran nasodit naka elap ejaun aibworar naka aiyamakina kamakus, aisiitunet naka aikut arupepen, atukokinet nakalaunan.

Kwana, Kotoma Oitabo loka Isaia, ageun ka ekokoro lo 1 loka esuula lo 18, nuerucokinitos nu nepepe.

Wu okwe, akwap naka abebenoka nuipukupukos, naejai okekwa kicorin luka Etiopia.

Naijukari ikeyakia aitor angolo, toma atakerin nuka aladoi ebe, koloto yes ikeyakia adaun esabiiti mama ejai ateker naewojak itunga, luerurut da, ateker na sogim ameun kageunet kec kitoni kwana; ateker naekorokoroi naepudapudai, naetiakito icorin akwapukec!

Yes kere luiboiete kakwapin, ka yes da lidukurete kakwap, naikeikinia emendera koronan, kosesenete yesi; naekutakiara arupepe, kopuputu ues.

Kotoma Isaia 27:12 ka 13

Kosodi kanen kaparaan kangin icomi Ejakait anyoun kakalele naka ecor kiton aguurut nako Misiri, kitukonokinio yes idiopet idiopet, yes idwe luka Isirael.

Kosodi kanen kapaaran kangin, ekutakinio arupepe naepol; epote ngul lueoliorito akwap naka Asuria, ngul da luaponi kirengearai akwap nako Misiri; emaete EJAKAIT korongat lokalaunan koYerusalem.

12 Kelipa bobo. Ejakait, kisirereng Akiro nu Kotoma otauon kosi. Kilipi aomisio kosi ka aitonor kosi korai atupit anyarit Kon. Kokiror loka Yesu. Amen.

Kiboikinos.

13 Ejaasi iboro luipu luti epedori ecokon akote alimun neejai atukos ke naemina ngesi, naka itunga luegelegela luaboisio nuegelegela, nuti mam ecamakinitai kanuka apak.

Kwana kwape kidolokina akou nakiroto, ikoto isio jo aipup ainapakina. Ido luipu kaoni ebwoete; ido nape abunio eong, ilelebasi agolaik, ka kinga naka ikekia, ka ngaren, ka airimun aduketait, ka airimun arwatatin. Kanukangun, kwana, arai ikoto jo aijulakin icolongo kayenice, mam erono.

14 Kwana, Epucit Loka Arupepen. Kwana, arai na atukonokin naka Isirael, kaneatukokina kesi nepepe, epucit loka arupepen.

Kwana, ajai lem eong amuno ayangaikin apak alimonokin Kotoma akou nakiroto Arupepen Akanyareai kotoma Oitabo loka Apukokinio. Ido kwana ilosi oni airereor nu, apak edit, kanu aitolomun apeleikinet nabeit namam eong eneritor kapak kana, naarai Emoyo Lokalaunan mam ti ecamaki eong einer kapak kana Kotoma oboro kalu. Ajeni eong esubito ngun bala nuediteu noi, acepak, nejaasi itunga luka asioman naepol ka aijen, konye nejaasi Ikristayon eraasi nuitegelikina. Itupaari isio aingarenikinio naka Emoyo, ngon bon.

15 Kwana, ageu eong aanyun Kotoma alimonokin naka Aturio Akanykaarei nuka Ekanisa, naerai aput, arai aomisiot naka ngun kere nualosi Edeke aswam kanu ikanisan, ka Kotoma okanisan, kaibwaikin kes cut toma ainapeta.

Isulai iuni lusodit luka Eitabo loka Apukokinio epukorit atakanuneta kere neejai Ekanisa. Kanen do, ageun osuula lo 3 kitoni osuula lo 19 loka Apukokinio, mam bobo ijo ianyuni nuka Ekanisa. Elosi Ekanisa kaju osuula lo 4 loka Apukokinio, kosodi abongun osuula lo 19 loka Apukokinio, Ateran ka Eteran, nepepe, abunere toma akwap. Ido konyet ageun osuula lo 19 kitoni agolokinio naka esuula lo 22, erai kere nuka Apugan naka Kristo naikar elukumit ka nuejaunos toma okar luepote atupakin ngun. Ageun kalo 4 kitoni lo 19, ejai Edeke isomanaros ka Isirael.

16 Kwana, kanen do, naingetakina oni keda eitabo loka apukokinio naka ekanisa, nuabu Edeke kiswama nejaasi ikanisan ikanykaarei ngun, luajaasi toma ageunet kec, arai otoriben kec, Kotoma Asia Minor. Kanen do kopukori Emoyo Lokalaunan ka angaar mamawok aiyeiyea kere naKotoma Kangina, loka eipone loayauna Ngesi EkanisaKe Kotoma oistore. Ido arai imameatar ijo keda Aturio Akanyape nuka Ekanisa Kotoma atEEP, ti ejokuna arai ipup ijo kes. Ido mam eyangaikini aojau ibwaikitete toma oitabo.

Kanen do bon ajalakin ngun kanen, ido aomit ebe akaul napak ibuni oni alimonokin Aipuceta, komam ijeni nueraas Aipuceta.

Ajai eong aomisoit ka bon, kwape ejatar ngin ejanakinan da, aisiom acepak nuinerito luce kiliok; ido aiyuun nuipu kwa ipedoria, keda kes, toma oboro luelemunitos kesi, angetakinet kec. Asiomitor eong eitabo ke ejakait Smith, Uriah Smith, loerai esisianakinan loka Adventist, ido asiomit eong akeomiso kanuka kangun, ido asiomitor eong nuejakait Larkin. Asiomit eong, oo, luipu luegelegela, nuinerito kesi kanuka kaNgun. Konye, kecepone arai ace, aomit eong ebe ajatar eong-eipone edio loasesenia ngun, eong elopet, eraun nen acepak aiboisio nuegelegela. Konye aitam adiope pak, einer iboro iuni, nasodit... arai iboro iwongon luka ebwanenak abalasin iwongon. Abu eong kalimonok ngun akwaarasia aangon, adiope nejai adiope balasit, ido ya da.

17 Konye do nepe eringa ngin ketakanuna, aponi kainakin eong aitapoet, nejai toma ateepe, kwape kijeniata yesi kere, Luipa, Isawan Bo Idi? Ebeitor eong alosit Tucson, Arizona. Ido ngina agule naka amoding, kuju toma orongat, neajai eong ka inacan ice, kosodi einer nuikamunitos aduor naepol nebeit angedun, ido eong...apotu Imalaikan ikanyaarei kopotu kwap. Kaomomoi eong, eong elopet, arai angetakinet naka aijar ka; kalimok eong aberu adumun ka Billy, nuiswama keda idwe, ido kace da, kitoni neiriamunor bobo kotoma owai je.

18 Kanen adiope paaran kotoma Sabino Canyon, nape iworori Edeke eong ekileng aidokokin akanin ka. Ijeni ijo ngun. Abu eong kabwo angina kasodi asesen ngun, cut kwape ejaar akakan kwapekwana, komam aijen apolouke. Ido abu kojalak eong keda eporoto tupuruc sek okuju kangina, ajai eong keda akakanin kuju toma okwam, elipi, kobuni loabu kotema, "Lo nges Ekileng loka Ekabaka." Ido kanen, ekaulo, neapukoria Emalaika loka Ejakait ngun, arai Ngin Akirot kotoma akan.

Katipet akaulo kangun, kotakanuni Emalaika loka Ejakait kosodi alimun nuikamunitos Arupepen Akanyaarei...arai Aipuceta Akanyaarei, nuabeit eong abongun ne Jefersonville kanu alimonokin Aipuceta Akanyaarei. Ido, ngina, arai alimunitor eong idio bore yen iyengakitai, erai Kotoma kangun. Ngina neiriamunor Emalaika loka Ejakait kasio, kosodi Ebaibuli araun Ebaibuli loitetet. Ngina kopukoros Ngun ido apukor iboro kere luajalakitos esiteteunak. Arai apukokinio naileleba naka Yesu Kristo, kere itetiak kamawok, konye ibecokina kodoco ka Ikokoron. Ngin arai Akirot naduc ejai. Abu eong esinyikokin ka aitetenaar.

19 Kanen do neadolokina eong atutubet na, naka alimonokin Arupepen Akanyaarei kaomit eong, "Ee, atami eong mam aomoom idiobore. Alosi eong aidarekin kitoni apak ngin ido acamakin Nges apukor ngun mamaka." Kosodi kanen do bian neajaar eong...abu eong aloma toma agoola ido kabuonokin kanukinyo... Arai, kitimoi, arai apaaran ya. Nealomara eong toma agoola, kanu aitam ajenun, arai ngina nges apukoria Emoyo Lokalaunan nu, kanu aitodikin eong apolou namam imedaikina karaida kanu ekanisa Kotoma apak na, naarai emamei ibore ikamanara ka Ekanisa, cut.

20 Kwana, aiyeiyea naibwaitai naka Kristo aponi kopukorai kaileleba Kotoma Aiputeta Akanyaarei.

Abu kopuko, nasodit, Aturio Akanyaarei nuka Ekanisa, kopuko Aturio kosodi aibwaikin kes aiboisit kec, kere ka eisitore ka Ebaibuli, kosodi aibwaikin kes toma aiboisit, koipone loajatar. Ido idumuni oni awate wok Kotoma Atur naka awasia naka Ekanisa, naerai Atur naka Ekanisa loka Laodikia, naerai namunaara kakere Kotoma Aturio nuka Ekanisa kere. Araida ageun kanasodit cut, ameun Epeso, narai Atur na ekanisa loepol.

Ido konyet eipone, kane, ainakini Emoyo Lokalaunan eong aitapoet, ido asesen nuepote atakanun, enomakit eong toma abao, ikaru iarei okau. Ena ejai ne toma aputo, itodiarit Eipone loajaar Aica amudicaar awai kakwap, na ti erai cut eipone loebunio Aica toma akwap, kwape Eijiri ka eipone ti lo emudicaunotor Ngun toma ka kinga. Komam ejeni ngun kapak kangin, apolou kangun ka eipone loti ejaunor.

Konye akwap naimorumorun naepol ajatar ka airiamun ka Roma; ido Roma, naerai toto naka iriongeta kere. Ipaapa, nasodit kotoma oisitore, abu konyou kosodi alosit Yerusalem ka aiboisio nuipu. Kwana, erai Yerusalem eicolong lomojong loka idiinin wok kere, erai Yerusalem. Ido toma ocolong lo lomojong, ipaapa loka Roma, lolem erai lokasurup loepol loka Ekanisa apakio kere, enyouni abunere aipejokin Roma...arai anyoun Roma kitoni Palestine, Yerusalem.

21 Ido kwape kianyuna oni, araut lomam esiomit, eong elopet, amamus aijen akiro ka eipone lolimunes kes, esisianakini duc eong kaitupuseta, kaputosia nuka isuban. Isuban etuparete isuban. Isuban eraasi luka Edeke.

Naiyangara ijo apak nakituk, kotoma oisawe, etukokinos kere nepepe kokoona loka eisawe, kolek elikot kon loka agaria kinga naka akipi; mam agaria ekonyete. Mam ijo ipedori aikamun kes; iteijo, ejaasi akituk aiying; arai caat icakakin ijo toma aperit naka adiope. Konye naelosoto akituk adak, kosesen. Apak ngipengin iswamaete akituk kwangin, ikweny da eporokinete okito; inyeikinete adak. Iteijo, erai

einono. Kere imorikikinos nepepe. Kianyu ijo ao, toma apak ngin, ejai ilulit esike kec, mere atukonokin nges. Isuban kere iswamaete nepepe.

22 Ido kanen do, kwape kisesenia oni ekitoi erarari akwii, katipet noi kwana, kolapio idis nuetupakinete, komamunos akwii kokitoi. Ido aijar, akile, ebongorete kwap toma alias. Ido akwii nuka ekitoi araraar kosodete araraun kwap ido mam ebosi. Ido ekalisiam ka potash, ido ejai toma akiot naka ekitoi, ebosi kotoma alupok. Ido nunyoika atakanutu? Abu aijar kolot ngaren naka anu kosodi aijujuar kes cut abongor namake, kosodi ainyakun akiot ngin bobo. Erai atwanare, aidaio, ka ajarun.

23 Ido isuban kere! Ido elap nges erai aberu naka akolong. Erai ngesi aica naingongara. Ido konyet, da, ebe naedaunor akolong, Kotoma amamus naka kolong, elap iloro aica toma akwap, naerai aitupuset naka ekanisa. Ido naenyouna ipaapa, lokasurup losek loka ekanisa, kosodi abunere kuju toma Yerusalem loerai eicolong loka ekanisa; nges, Yerusalem naitetet ka Yerusalem namojong; kianyuni oni, eringa nges iswamauna ngun, kojaun amutonu nairiono cucucuc kotoma olap.

24 Ido toma apapulai, anatar akwap kwape kijaar oni kede toma abao, itodiaritos ngun eipone loejulakinor elap ngon anyoun aica kitoni amuton. Ido apolouke alopel, nabu elap ngon kinomunite cut, toma akuj, ibore ngipengin yenainakini eong Emoyo Lokalaunan ainomun kane ikar iarei kau, ka aitodiar... arapiarit... nealosio aputosia akanyape, ebwaikini eong naikanyetkaarei kuju ngina, naerai atur naka ekanisa loikanyetkaarei, arai bon etoribe loka Aica, alosit naka...ngina nges ejai Yesu, okek, ikungukungi. konye elosete ngun toma amuton nairiono cucucuc.

25 Ido aitodiaret naikoni ai, Aisiraret naikoni ai kanejai Edeke elopet, ebe eraas iboro lu Abeit! Koinak Ajenanut nasodit kotoma Akirot Ke, kanen do kotoma Omoyo kotut, ido konyet alimor ngun kotoma akuj. Emamei adiakaret kanuikamunitos ngun cut. Aipuceta ngun ka Aturio ejaas cut okokoro loibecokina, becebec, Edeke einakini ajenaanut kotoma aanyuneta ka aumonokineta nuitegelikina, ka Akirot ka eisitore, kere ibwaikitai nepepe, kotoma atur na kwana ijari oni kotoma.

Kwana eninik kane ejaasi ikanisan aanyun nu. Eninik kanu iriongeta aanyun ngun. Etamitos kesi duc aoomoom ebe itamit ijo acelanakin itunga. Mam ijo; itamit ijo akwenyar itunga. Mam erai atamit araut ekaronon nejaasi kesi; itamit ijo alemun kes kanejai aronis. Mam erai itunga lukotoma oriongeta; erai eisomae loejaasi kesi toma, nges itoronit kes. Emunooko, itunga luibeitoko nges Katoliks, Igeresan, Iyudayan, ido inyo ice. Erai itunga lu...

26 Abikiran mam elosete araun abikiran kanu araut angor nuarokok; elosete kesi toma ngina araun angor nuajokak. Ejaasi kesi atamit agongakina neejai Edeke, konye erai eisomae nges emunamunai kes. Elomarete itunga okanisa, mere kanu araun etunganan loerono, konye araun etunganan loejok. Konye erai eisomae loka ekanisa nges iriit kes kanejai Akirot ka ekisil arai eisomae loepesikit Edeke kwap kanu apaaran kana; ido ngun nges itolomunete kes kinga.

27 Kwana kiitute, Edeke nges Akirot, ido nginitur adau Ngesi atubokin Akirot kanu nginitur naejaun toma akwap. Etubokit Ngesi Ngun kotoma atur naka ekanisa, ido Aipuceta Akanykaarei epukorito nginidio nuka Ngun. Iteijo?

Kanukinyo eswamatar kangina...ajaas aiyeyea naroko ebwaa? Apukokinio 10, kianyuni oni, angeset naka Aisiraret naka Emalaika loikaanyetkaarei, ebe, aiyeyea na naebwaa epukorio, Apukokinio 10;1 kitoni 7. Koany, alosikinet erai naerai amameete lem inabin kotoma atur kana. Ebala Ebaibuli, ebe, "Mam Edeke iswamai idiobore kitoni Nges apukokin inabin Ke, ibulesin Ke, inabin." Ido Akirot naka Ejakait Kotoma aturio kere ebuni duc nejaasi inabin, mere cut nejai eisomae, mere cut nejai atukot.

28 Mam Edeke cut itwasamator atukot. Nginipak naetukokinor adiotukot naka itunga, kojalakini Edeke nges ido mam abongun. Kongic eistore kosodi aanyun arai eraasi ngun abeit arai mam. Idau oni aswam ngun. Mam nges cut iswamanaros ka eisomae arai atukot, akaul kes aimorikikin; esurokitos ngun Edeke.

Kanukangun, toma apak naka esiteteunak, kolomunete esiteteunak, kwape itogogongitotor Aipuceta Akanykaarei ebe eraas. Konye toma apaarasia nuka awasia kwana, abeit apukor bobo. Naerai, idumuni oni kotoma Okokoron, toma Malaki 4, ebe ebeit ainyonyoikini abunere kwap kosodi ainyakakin bobo Aiyuun nasek, "ido kanu ayaun aiyuun naka itunga abongun toma pentekost nakolo, Aiyuun naka luapapa."

29 Ido apotu ayangasi Eliya loka akerit nasodit; ayangarete oni Elisa atupakin nges; ayangarete oni Yokana loka Ebatisan akaul kangin, loerai Elisa loka apaaran kangin; ka aisumunet kanu ece kotoma apaaran na.

Kwana, Yokana lokebatisan mam arai Elisha lo Malaki 4. Arai ngesi Elisha lo Malaki 3. Abala Yesu kwangin. "Koany, ejukuni eyakia Ka ngaren naka akonyen Ka, aitemonokin erot." Kianyuni oni nges erai kwangin.

Kwana, toma aswam kwangin, toma adumun aiboisio ngun, kijeni oni ebe Ikokoron luce kere,

iyengakit Edeke, kipukokito oni ebe ijai oni toma apaaran nakawasia.

30 Kwana, arai abu eong ka aisiraret naka Pentekost, ti eong ajai toma Atur naka Ekanisa lo Laodikia, ido ti mam edolit.

Ngin nges apolou na mam Wesley epedoria ayangaar aisiraret ke Luther. Ajai Luther atur adiope, atur naka ekanisa, ido ajai Wesley atur naka ekanisa ace. Korai Yesu kolomunte toma...ka Aisiraret naka Musa, mam ti kiswama. Korai Musa kobuute ka aisiraret naka Noah, mam ti kiswama.

Konye emaraki Edeke nejaas iketunga, luka ngin atur, ekokoro. Ido eroko atur kejauna, toma naka apak, kanen egurokisi ikanisan ebe mam ejenete nejaas.

31 Ngin nges apolou amenia kes ajenun Yesu araut Okoku loka Edeke. Kes, ikec nonosio itumudakito akonyen kec. Konye ajai Ngesi cut ka Ikokoron.

Araas inabin ngupengun. Kotema Yesu atiar, "Ingai kaesi, kaluka papakus, imam ibiribiritos inabin lukijukakitai yes?" konye ijukuni Edeke inabin Ke, kanu...ido inabin eraasi Akirot najaran naka Edeke, itodiaritai.

Kotema Yesu atiar, "Eipone ani itoroniata Eong, kanu alimun, 'Arai Eong Okoku loka Edeke,' konye konyaritos yes, kotoma okisilakus ikulepek...Ibalasi yes atiar, ngun luobu Akirot naka Ejakait kodolok," luaraasi inabin, "kopotu yes konyarata kes 'idekesio.' Ido eraasi kesi, naarai mam Nuiwadikatai ebilaros," ebalala Ngesi. "Kanen do eipone ani itoroniata yes Eong?" Korai Ngesi...araasi kesi atutubet naka ekisil, araasi kesi atutubet naka Akirot naka Edeke, konye Yesu arai aialeba naka Akirot naka Edeke. Ainapeta ke kere nuka alakunio, ailosikina naka Edeke kere, ajai tomaKe.

32 Ido kwana, toma aturio nuka ekanisa, eswamata kesi ngupengun. Ido Aipuceta Akanykaarei erai kanu apukor aiyeiyea kere najalakinitai kapakio ngun, naarai kimameatar ka inabin, kosodi mam Akirot ebuni neja esiteteunak. Inabin!

Mam Edeke ijulanakin. Toma Malaki 3, ebalala, "Arai Eong Edeke, ido mam ejulanakin." Eipone Edeke losodit loka aswam idiobore, ngon duc nges eipone loiswama Edeke idiobore. Abu Edeke koseu ebe abuni Ngesi aitajar etunganan ka Aokot nuebukoritai nuka Alo emamei aronis, komanikor loka Eden, ido mam cut ijulakitor ngun ageun, ido mam ijulakini ngun. Kitamaki oni, kotoma asioman, kotoma adukena, kotoma oisomae, kotoma oriongeta, kotoma kanukisiasiakina, ka nginibore kere, konye kere ebiroros. Konye ejai adiope aboisit bon nairiamakinotor Edeke ka etunganan, nges erai, kwap Aokot nuebukoritai nuka Alo emamei aronis. Bon kotoma Aokot! Ngin arai aseunet Ke nasodit. Iteijo?

Ipedori oni aisomaun aseunet, ido okaru ngon ipedori oni aoomoom ejok adepar. Idumu oni aomisiot naejok adepar naka ngun, okaru loetupakit. Edeke mam epedori; emamei Nges enange. Aseunet Ke nasodit erai naitekooro; emamei ibore epedori aijangar nges. Apedori eong aisisiaun nuipu; irai oni nuinangi. Apedori eong aisisiaun nuipu; ipedori ijo aisisiaun nuipu. Konye Edeke mam epedori aisisiaun nuipu; erai Ngesi loitekooro, kotoma agear. Ido, kanukangun, aseunet Ke nasodit, isiyeng etaukon kotoma angun. Nuebala Ebaibuli, kes ngun!

33 Ejai Edeke atubokin akwap na acepaaran. Ido ebalasi Itulikan ebe elosi Ngesi atubokin ngin ka Ekanisa loka Atulik. Arai ikote ngun nen, ekanisa boani loka Atulik? Egelegela kesi, ediopet kanejai loce. Arai kilot jo atubokin ngin ka igeresan, ekanisa loigeresan boani? Egelegela kesi, ediopet kaneai loce. Ido ti erai loitolutuluna mot; emamei ti idio yen ejeni nebwois da. Karai edolit Methodist, ewoliorit do Baptist. Karai edolit Protestant, ewoliorit do Katulik; edolit Katulik, ewoliorit Protestant.

Konye ebalala Ebaibuli ebe etubokini Ngesi akwap Kotoma Yesu Kristo, ido Nges Akirot. Kanen, etubokini Ngesi kede Akirot.

Ido iriongeta kere elemaros awai kanejai Akirot ngin, aiswamaun aisisianakineta kec. Elipit eong idio aitogogong neajai eong neyangarata kesi Akirot naileleba. Mam epedorete aswam ngun, naarai eyait nges eiswamae loka etunganan. Neijatar ijo ketunganan...

Mam Edeke iswamator konye kede idiope tunganan Kotoma apak. Mam ber Nges ejaunar ka inabin iarei toma apak adiope. Ediope! Epedori Edeke alemun ediope etunganan toma akan Ke. Mam Nges iswamai keda jo...erionget kon; iswamai Ngesi ka jo.

34 Kwana, kuju na adoketait kangin, ibuni oni opucit loka arupepen, aiyeiyea naibwaitai. Edwaritai ebe ebeit nges ikoni nen, kanukangun ajai nges apukorio koipone kalo ajaar. Konye apukorio kotoma apaaran nakawasia na, kanu aitodolikin cut nualimok eong yes kwapekwana, Malaki esuula lo 4, Luka esuula lo 17 ka ekokoro lo 30, Eipone loti iswama Ngesi ngun, ka Iburanian 13:8, Iburanian 4:12, ka Ikokoron ngun luipu luelimokitos oni. Kwana, arai eraas ngun numam ejenas kanejaas ice kaesi, kocamakisi eong alimu ebe Edeke duc... Eipone loejenunor Edeke akidingot naka itunga erai kanu araut enabi.

Ajenete duc Iyudayan aiyuun inabin kec. Kotema Ngesi atiar, "Karai ejai edio kiding kus, Eong Ejakait

enera kanges Kotoma arujasia nukomoyo ka kotoma aitapoeta. Ido, nuelimuni ngesi epote aitodolikin, kanen do kiirarete nges." Ajaas kesi duc...

Eipone ngon amenia kes amisiikin Yesu, kosodete atukokin Nges obore ice, kanukangun apotu kitarautu Nges emoyo lokajokit, "Beelesebul," naarai apedorit amisiinikin aomisio nuajaas toma otauon kec. Kijeni oni duc ebe ngin nges aanyunet naka Akirot.

35 Iburanian esuula lo 4, ekokoro lo 12, kotema, "Akirot naka Edeke ekwana adepar ekileng loekwana iwaitin kere, ido emisiihin da aomisio ka nuelosikinit etau."

"Nebunio Ngon loerai Emoyo Lokalaunan mamakon, isiitikini Ngesi jo nuka iboro kalu luener eong, ido etodikini eong jo iboro lueponitos."

"Abu kolo Edeke, koponesio luipu luegelegela," Iburanian 1, "kiner kalukapapaawok Kotoma onabin, Kotoma apaarasia nukawasia nu Kotoma Okoku Ke, Yesu Kristo." Edeke ngopengon, abu kijulakin anyoun kanejaas inabin kitoni Okoku. Kes ngun bon. Iteijo? Aisiraret ngipengin duc, Eipone ediope ediope loiswamaet ngun.

36 Kwana, edwaritai ebe ejaunos ikanisan adoketait na, akotosi bobo ainyakunio. Ido kotema Ngesi atiar, Kotoma Malaki 4, ebe alosi Ngesi "Eliya enabi, ido alosi ainyakun itunga bobo," ka...koyau ngun. Koany. Ido nape eroko...arai, cut akaulo naka aisiraret ke, ejaun apak nenokuna akwap, kosodete lukalaunak alosit kinga kuju naka ekuron.

Kwana, nejaas luediini acepakit epupete Kotoma ateepe, nenice Kotoma akwap, karai iomit ijo ebe arai ngon Yokana, kiitu, kanen, ibucarito ikokoron, naarai mam akwap abu konoku akaulo naka aisiraret ke Yokana. Mam Yesu abu kobu ayangaar itunga Kotoma okaru elukumit; konye isumunikit Ngesi aswam ngun akaulo Emoyo loka Eliya abunere toma akwap bobo.

37 Koany kwana toma Malaki 4, kianyuni oni kane ebe ngun ebeit aiswamao kanu ainyakun (Inyo?) Aiyuun naka itunga abongor nejaas lukapapa lusek. Aisianakin naka Pentekol, lukapapa lusek. Kosodi ngesi inyakuni itunga abongor nejaas lukapapa.

Kidumuni oni Kotoma Luka 17, abu Yesu kotema ebe nebunio Ngesi Kotoma apaarasia nu nukawasia, Luka 17:33, kianyuni oni ebe abala Yesu, "Kwape kajaar Kotoma apaarasia nuka Lot, kwapekwangin da ejaunor Kotoma abunere naka Okoku loka etunganan, neitodiarere Okoku loka etunganan."

Kwana koany, ebuni Ngesi kokiroria luka odwe iuni. Ebuni ngesi kokiror loka Okoku loka Daudi...arai, Okoku loka etunganan, Okoku loka Edeke, Okoku loka Daudi.

38 Kwana, ajai Nges abunere kwape Okoku loka etunganan, naarai Kerai Ngesi enabi. Yawe, Elopet, konyarau inabin, "okoku loka etunganan." Ido mam Yesu abu konyaraikina Elopet kwape Okoku loka Edeke. Abu Ngesi konyaraikin Elopet, duc, kwape okoku loka etunganan. Ido koany, abu kitodiar Elopet kanen kwape enabi, ekadwaran. Kotema, "Karai mam eswamai aswamisio nuka PapaKa, mam bodo iyunete ngun." Abu Ngesi kitodolit ngin itetemunet naeneritai kanuKe Kotoma Okokoron, karaida kitoni atwanare Ke, aidaio, ajarun; aibubukinio Ke, aurio Ke, kere. Ido Kotoma aswam Ke, abu Ngesi kitodolit aitetemunet naka Ekadwaran, Okoku loka etunganan.

39 Kwana apukor Nges Kotoma aturio nuka ekanisa, kwana koany, aitor aturio nuka ekanisa, kwape Okoku loka Edeke. Edeke araut Emoyo, Emoyo Lokalaunan, abu opukor Elopet Kotoma aturio nuka ekanisa kwape, toma atukos, kwape Emoyo Lokalaunan okiding naka itunga.

Kianyuni oni, Kotoma Atur naka Ekanisa loka Laodikia, atur naka ekanisa nakawasia, erengiar Nges kinga naka ekanisa. Emamei bobo nenice irengiaritere Nges kinga, Kotoma atur adio, konye Kotoma Atur naka Laodikia. "Naarai, atemasi kesi, 'Kibarit isio ido emamei ibore ipudasio.' Ido mam kijenete ebe itasonos, luican, imujalalas, ido imudukaka, ido mam ijenete da." Aponi Nges kirengiarai kinga naka atur naka ekanisa.

Ido kanen, Kotoma Luka 17, abu Ngesi kotema, "Kwape kejaatar kapaarasia nuka Sodom, kwape kwangin ejauniata kotoma abunere naka Okoku loka etunganan." Kwana, asiomi Ngesi Ageun ngipengin naisiom oni da. Koany, Kotoma Sodom, nunyoika apotu kotakanutu. Araibo nyo ngin Kotoma Sodom? Aburaam...

40 Ejaas duc adokena auni nuka itunga. Ajai Aburaam, eseuna ido onyarautete kinga, kinga naka Sodom alopet. Ajai Lot, ediope kokanisa, arai etunganan loka erionget, kwap; abu ngesi koraun atutubet naka akwap, arai ngesi ekatubon, loerai emeya. Ido kojai Sodom, alopet.

Kwana, toma apak natibong, arai kiding naka apaaran, neajaar Aburaam kwap Olua ke, kitanyikinos nges Imalaikan iuni. Iarei kakesi apotu kijesaros kwap Sodom, kosodete alimonokin Eijiri ido kotamata aiworoun kes kinga. Mam apedorete aswam ngun; araas luepaarito. Lot, kakeberu, bon, ka adwe ke aarei, konyout alosit. Kosodi aberu aibelokin araun epir loka amunyu.

41 Konye loabu kosalak kosodi einer ka Aburaam, loabu Aburaam konyara, "Eloim, Lokapedor kere." Ageun 1, "Edeke! Kotoma Ageun, Edeke," Elohim, ediope Loisilosikina kere, ediope loejari-bon. Abu Aburaam konyara Nges, "Elohim." Kosodi aiboikin kwap ido ainyam ka Aburaam; abu Ngesi komat; ajai Ngesi toma akuan naka etunganan. Ido kosesen aanyunet na einakini Ngesi Aburaam.

Kwana, amootos kesi okoku loebunit, okoku loesumunitai, Isaac. Ikaru akaisaarei-ikany, toma alosit nawojan, amootos kesi, konye ajaas kesi angeset naka alosit. Abu Edeke kotakan oponesio luipu, kwape eswamator Kotoma aturio nuka ekanisa, toma Aica, ka ace, kwape eneritor ka Aburaam, ido toma oporotoi. Konye mot eringa okoku loebunit edoluno...Kwana idau oni aitor ngun, ido ijeni ijo ebe aisisianar, ayaun nu neijaas yesi. Tebe, abu Ngesi kijulak akwan naka Aburaam ka Sara, katipet akaulo kanu, tetere kes epedorete aijaun okoku.

Koany, aanyunet nakawasia najatar kesi, eroko okoku edoluna, arai Yawe eneras ka kes Kotoma aputo naka etunganan. Ido eipone loajenunata kesi ebe arai lo Yawe, naarai abu Ngesi kotema, "Aburaam," mere Aburam. Bon apaarasia adis kokau, kodaunite Edeke aijulakin ekirorike. "Aibo ejai aberukon, Sara?" Mere S-a-r-r-a; konye S-a-r-a, "akoekabaka."

Kosodi Aburaam atemar, "Ejai ya toma owema, kauKon."

Kosodi Nges atemar atiar, "Eong," erai ngin alimunete ke elope, "Eong abuni aipejokin ijo kotupitete aisumuneteKa. Kapak naka aijar, apaarasia akaisaarei kanukanyauni, ebuni icebore atakanikin Sara."

Ido Sara, kotoma owema, imurari akwena yalopet, kotemari Kotauke atiar, "Eipone ani isomaunotor nu, koseseni amojongit eong; ido adumun eipud ka ejakait ka, loerai ngesi da emojong, Aburaam?"

Ido Emalaika, arai, etunganan atemar, "Kanukinyo alimuno Sara ngun kotauke?" Kotoma Owema kokauKe! "Kanukinyo alimuna ya mam iboro lu ipedoros?" iteijo? Etunganan kotoma akuan naka airing, kwape enabi, konye korai Ngesi Elohim emisikini aomisio nuajaasi toma otau loka Sara, kokauKe.

42 Kotema Yesu atiar, "Kwape kejaatar kapaarasia nuka Lot, kwape Kwangin kotoma abunere nakawasia naka akwap, naeOkoku loka etunganan," mere Okoku loka Edeke, "naepukonoro Okoku loka etunganan."

Mam eong apupunitor ngun kotoma atur. Koany ainyikokinit ngin naitekeoro naka Nuiwadikatai? Ne ijari oni kotoma ke. Aiyeyea: araida aibatisao kokiror loka Ejakait Yesu, ido awai kanejai aomisiot naEpeone; ka iboro ice lu. Eipone loesukunyuna Emoyo Lokalaunan ngun toma kosodi aitodun kes kaitekeoro; kaibatisao nabeit naka Emoyo Lokalaunan, Aanyunet, kanginibore, kosodi aibwaikin kes; ido eipone loasipokina Ngesi nginiketeteunan kanginibore, cut kodoco. Ido, iteijo, cut koingaren naka akonyenewok ikulepek, ido mam erai kotoma angopit. Ejenas ngun kakwap kere. Yesu, Okoku loka Edeke, epukor Ngesi elopet kotoma Okokoron, aitarau Ekokoro ngon (loadaunitai aseun eringa akwap epesikina kitoni apaaran na, kwape kejaar kitoni apaaran ngin, ka apaarasia ace kere) aijar. Ido kanu aiyuun Ngun, araut aitogogonget naka Emoyo Lokalaunan.

43 Adolit, mam ijo ipedori alimor ngun bon "alosit toma okanisa" nges ejenunet loka Emoyo Lokalaunan. Arai kiswama ijo, akepolou ajaatar kesi Iparisayon Ngun. Iteijo? Mam ijo ipedori alimun "amaran arai asomanar" araut...karai iswama ijo, ejatar atekerin Ngun. Arai ibala ijo "einer angajepa," anibo aima naka ajokin namam inera Kotoma angajepa? Kolimokisi eong adiope.

Onac Jackson loiboie kanu Africa, ebunit Africa, epedori ti alimokin yes ngun. Ajaunar eong toma okaambi loka Ilugai kane, asesen amurok ka imurok etubutubete akecawate, ido abukor aokot kec ikulepek, kosodete einer angajepa; kosodi emuron aijul ngun, ido eong aanyun kes iperikinete ekalamu kwap kosodete aiwadika keda angajepa numam ejenas. Kanukangun mam ngun erai. Konye arai...

Anibo ajenanut nakabeit? Kotema Yesu atiar, "Ebe kiyuunit ijo ebe arai eong nges Ngon." Ido Nges erai Akirot.

44 Kanukinyo mam kes keduminitotor Ngun? Kanukinyo mam Yudayan keduminitotor Ngun? Araas kesi ikiliok lukadolitos; araas kesi ikiliok lukajokak; araas kesi ikiliok lukalaunitos, ido keraas itunga luka iponesio kere; konye, nejai ngin yen aseunitai sek apupun Akirot!

"Ido eipone ani ijenuna jo arai erai Akirot? Ngin idiope elimuni nu."

Erai aisumunet naka Ebaibuli ejai aitodiar Kotoma atur kangin, aso jo, kanen obonguni do jo nejai Emoyo Lokalaunan. Kosesen aruo naka arupepe toma odakikan idis, itijenaari Ngun. Arupepe, Arupepe naka Eijiri, koany ingai epedori apupun Ngun. Kiitu, ngun luejaas oreria luebwaitai mam apedorete alomun kinga toma apaarasia nuka Yubilee. Mam, ipa, ajaas kesi toma arwatat; apotu kosalakisi ngina. Abu odaun; araas ibulesin apaarasia kere nuka aijarakec, ido ajai kes aimacario. Kwana kwape kiteio ainapeta nu kere, koany.

45 Kwana, aswamisio nu, Malaki 4, ka nu kere, ka Iburanian 13:8, "Yesu Kristo ngopengon bian, lolo, ka ikar kere," esalakini Ngesi ikaru kere erai Akirot, Akirot itodiaritai. Ngun cut abu Ngesi kitodia nejaas

inabin. Enabi apolouke mam bon erai "ekadwarat arai loitei nuongaren;" apolouke "ekapukoran loka Akirot naiwadikatai." Kotoma aijar ke elopet, aswamisio ke elopet, epukori ka aitogogong Akirot naka apaaran; kwape nat Noa aiduk ataker; Musa okwap angina; nuiyatakina nuce; ka edio enabi: Akirot naisumunitai kanu esawa kangon.

46 Kwana ijeni oni ebe ejai Ngesi kaoni. Kiyuunit oni ngun. Iteijo aKe Akirot itodiara, Kotoma aputosia, Kotoma KaNuiwadikatai, Kotoma alimor Kotoma Akuj, Kotoma akwap, nginibore kere yen abu Ngesi kolimu. Mam adiope pak da naibiror. Elipit eong idio itunganan aitodikin eong, anyoun aiboisio nuegelegela nuka akwap, araibo airiam akwap, ibusakinit ijo aiwadikakin eong arai alimokin, neabu kibiroror adiope pak. Becebec, akirot toma akirot, kwana, erai ngin aisumunet.

47 Kanuboinyo abeitor Nges abunere Kotoma apaarasia nu nukawasia? Karai ibongo jo, ido ijo abwaikin apupok ateepe, nejai Ekitoi loka Ateran, ido ayaun neajai Kristo, Ekitoi ngon loajai omanikor loka Eden. Adam losodit loabu kiboror; ido Adam lo loiareit abu adiakar kobilak kwap. Aponi kibubukinai Nges okitoi loka Roma, ido kinga nakangun kobuni...kolomuni Ekitoi loka Ateran loesumunit Ngesi, loiseseni oni Kotoma Okokoron, kwana, tetere adumun Ateran.

Kwape epyramid, kwana ebuni tupuruc isawan kere, anyoun kanejai apolus nelal; anyoun Luther, Wesley, Pentekost, kosodi do amoru nerai arapetaiit nakokuju karai ipenaritaii, ido nginidiope kamoru kangun ibeconokitai nepepe. Ido mam ber oni kijeni eipone loiswamatotor kesi ngun, konye inicakitai nepepe Kotoma opyramid ngon! Ido mam oni ijai alimonokin nuka pyramid kwana, ijai oni...

Enok ka kes adukete, ikar kau, ido ebwoi kwape ejenunet. Cut oputos kwape elomunia akolong ka alumor; cut oputos kwape eraraara ekitoi akionit ke, ido abongun bobo; kwape kagar, ka akituk, ka nginibore kere erai ejenunet kangun. Ebwoi epyramid ngon kwape ejenunet.

48 Alosit toma agola naka enabi ido asesen kes amadalai akanykaarei. Aibo adumakini ekeedaran ainingosit ayaun loabunon akonyen nuka ekabaka? Kuju naka amadalai; ajai toma amadala naikanyetkaarei. Ngina itodunit ebe ekotokin oni abunere bobo ka Emoyo ngopengon loajai nejai Yokana; abu ngesi kitodia Mesia. Apol ngesi adepar inabin kere; abu ngesi kitodia Ngun. Ido ibusakinit oni adolokin aiboisit, bobo, nejai icebore yen itodiari Mesia.

49 Ido eiponeani epedoria Mesia...itunga luiyiunitos Nges ejenete ngun arai kerek esalitos kesi inyikokito kotoma Akirot, kanu ajenun nuerai Ngesi! Kotema Daniel atiar, "Luacoa ejenunete; konye lubangiok, luemamei acoa, mam ejenunete. Ejenunete kesi Edeke kec." Kwana, kwana, eipone loetakanuna Ngesi kapaarasia nuka awasia, nges ainyakun itunga bobo toma Akirot, tetere Ateran ngin epedori ajenun OkileniKe, ajenun AupasiaKe, Akirot naepukoritai. Nges atakanunata nu.

Mam arai kanejaasi ikesiteteunak; mam arai kanejai Luther, Wesley, ka Ipetikootin, ka kes. Ebalas Nuiwadikatai mam arai.

Konye edolunete ngun. Erai ngin aisumuneteKe kanu atur kana. Ijari oni kotoma atur naedoluna AbunereKe. Ebeit ya aitijenun kotomaKe. Adioberu ekot kitijenun ka kokilenike, naarai iarei erai idiope. Ido Ateran naka Kristo ajai aitijenuun ka Nges, naarai iarei erai Idiope; ido Nges erai Akirot, mere erionget. Akirot! Ebeit oni araut idwe luka Aica, ido Aica nges Akirot naetaraun Aica kanu atur kana. Eipone ani ijenuna oni Aica dimikito kelomu Ngin kotoma Akirot? Erai abeit. Araun Akirot akuan nges Aica naka atur; naianyuna ijo Ngun, ido ebalas Ebaibuli kwangin.

50 Itunga ngun asesen Yesu, ido atemar, "ee, Etunganan lo, Ingai bo Ngesi? Kanukinyo, auruun Nges, eurikitai okal kokwap kangina. Kanukinyo, papaKe ka toto nges nu, ngun, ka kwi, ka nu kere kangina." Konye mam kes ajenete Nges. Korai ojenete Nuiwadikatai, ti kes ejenunitos Nges. Abala Ngesi kwangin.

Kotemasi kesi atiar, "Irai oni iyakia ke Musa!"

Kotemari, "Korai ojenete yes Musa, ti yes ijenete Eong, naarai iwadikat Musa nuikamunitos Eong." Ido iringa imudukaka noi kanu aanyun Ngun!

Iteijo eipone loiyapepearar? Awai kaneja aibungena, ka iriongeta, ka aisisianakineta nuka itunga, ka nginibore. Abu Edeke kikuny cut toma akuan, kaput naka Etunganan, Ekalakunan Lopajan.

Ekot ngin kitijenaara ka Nges. Inyaritai oni araut odwe luka Aica, tetere oni kilosi kotoma Aica.

51 Eitunit eong kwap koKentucky, kane pac kokau, ajai eong airiamun. Kinga, akaul na eong alomun kinga naka ekanisa, ebe ajai epolon abwoi, ka ataala kakanike. Arai ngesi lokanisa lomam iyuiunit aitangale, kace da. Kotemari, "Agelakina eong kajo, Onac Branham."

Katemari eong atiar, "Ee, ijaasi ijo kapedor aswam ngun."

Kotema ngesi atiar, "Iseseni jo, mam eong abuni acamun idiobore arai mam eong aanyunit nges. Ejai ber eong aanyun nges, cut kaidelel.

Katema eong atiar, "Kanen ianyunitor ijo Edeke, kaidel, ebwoi akonyenekon? Naarai, mam nges eyuunit aitapoeta ka iboro.

Kotema ngesi atiar, "Mam."

"Kanukinyo," katema eong atiar, "kanen do mam ijo irai ekeyuunan, ipa. Mam ti eong apedo einer kajo. Iteijo? Iseseni oni nuisumunit Edeke ido aikamakin neja Ngun."

Kotema ngesi atiar, "Eipone bani imisiikitor ijo ngun?" Katemari eong...Kotemari ngesi, "Kobia, kolot ore ka eong ido kenerata lolo."

Katemari eong, "Mam eong apedori; aminakinit. kaneiboyo jo?"

Kotemari ngesi, "Ilosi ijo juwai kemoru kalo."

Katemari eong, "Eipone ani ilosio ijo adolere ngina? Mam ijo itei etogokon." Uh-huh. Uh-huh. Eebo. Eebo.

Kotemari ngesi, "Ee, ejai isokot yenelosi kuju juwai naka erongat."

Katemari eong, "Mam ijo iseseni isokot." Uh-huh.

Kotemari Ngesi, "Ee, Adumunit eong ataala."

52 Katema eong, "Mam ataala itodiari aica kanepakanen kotogo. Oo, mam. Konye esokot ngon ipedori aingarenikin kitoni togo. Konye ataala ngin epedori bon aitodiar aica kanu adiope ailamaret kapak."

Ilosi oni alosit kotoma Aica, Aica naelai; akeju adiope kotoma apak, Ejakait, ebuni eiduny ka Nges. Eebo. Idwe luka Aica, kocamutu Akirot Ke, inyikokisi alosit kosodi aanyun nuipe elacunos. Mam ijalakini Ngun, mam ace nuelimuni idiotunganan. Kosalak toma Kangun ido kinyikok alosit Kangun, koseseni Ngun elacunos kosodete apukor Nges elopet. Erai Akirot Icoakat; icokat kotoma alupok nuejokuka itolomuni yenikeponeke.

53 Koany Apukokinio 10:1 kitoni 7, aiyeiyea kere ebeit apukokin Ateran, eyakia loka Ekanisa loka Laodikia. Ejai idiotunganan yenejaasi keda Revised version Bible? Arai ijaatar ijo, ianyuni ijo nebular ngesi, "emalaika," erai nuiyatakinitai ebalasi, "emorukalet." Iteijo? Uh-huh. Uh-huh. Iteijo? Eyakia neejai Ekanisa loka Laodikia, iteijo, Apukokinio 10:1 kitoni 7.

Kosodi ngesi atemar ebe nu...kapaaran ngin neanyuna ngesi Nges ijesun kwap, id+o nges ainyam itaabo yenididi. Ido ajai..."Kibwaik akeju adiope akwap, kosodi adioped toma angolol, kiyapo kolimite Ngol loejari, ikar ka ikar, ebe, 'Mam bobo ejaun apak.'" Ido neswama Ngesi, kinerata agirokineta akanyaareei ekeceporotoi. Ido naadauniata agirokineta akanyaareei einer ikeceporotoi, kotema Yokana akoto ngesi aiwadik. Kosodi Ngesi atemar, "Sirikiwadik Ngun." Uh-huh. Iteijo? Ido kipucak ngesi Ngun.

54 Kwana, kotemar icetunganan, "Ee, Aipuceta Akanyaareei ngun, kanen do, Onac Branham, ebeit ngun apukorio kapaarasia nuka awasia, ace aiyeiyea naepol eipone loipedoria oni agongakin ka Edeke?" Mam, ipa, mam epedor.

"Nginiyen elemari adiope kirot kotoma Obaibuli kalo, arai aiyatakin adiope kirot tomaKe, elemaro akorakineteke, Oitabo loka Aijar." Ibore erai, nges apukokinio kotoma kanu adiakitai kokau angina, ayangaun. Adaun aiwadikaikin ne. Ejai toma ne. Erai kanu apukor nuadaun aiwadik. Iteijo? Naarai, mam ijo ipedori aiyatakin idiobore tomaKe, arai alemar adiope Akirot kotomaKe.

55 Esuula losodit loka Apuko-...loka Ebaibuli, Kageunet, Ageun. Mam adiope aberu abu kibuca aiyuun Ngun, konye abu ngin bon kilocok, acamakin Satan ailocokin nejai ngesi, adiope akirot, "abeit cut." Iteijo? Ido kanen do, kotoma kangun, koyangauni ationis na kere. Ido arai ngon Edeke enera, Akirot naka Edeke.

Ido kosula loawasia loka Apukokinio, Yesu Nges elopet, Edeke ngopengon, ebala, "Nginiyen elemari adiope Akirot awai, arai aiyatakin adiope akirot toma kaNgun."

Naerai apukokinio naka Yesu Kristo kaileleba. Ido Aipuceta Akanyaareei ajaatar aiyeiyea ibwaa, nuka arai Ngesi kere; ido erai Ngun nuebeit apukor kapaaran nakawasia, katur nako Laodikia, kapak naka awasia. Aiyalama mama ejai Edeke! Ngin irikakini Aisiraret neejai Ekanisa. Ngin irikakini Nges. Neangolarata kesi kau ka aanyun nuajaasi, ka aanyun neadoloto kesi, kongetakinete Ngun, atur naka Ekanisa.

56 Kwana koany arupepen nuinera oni nuke, nges anyarario nepepe arai kanu epucit, kanu ejie, kanu etunganan, acepaaran naelaunit, arai icebore kwanat kangin. Koany. Ibala ijo, "Kanu etunganan?" Eebo. Arai, kanu ekaru loka Yubili. Alimoro naka abunere naka ailajaara, konye kopedorete abongor; kwana, ipedori oni adaun atupuruc kere kotoma obore ngin idiope. Konye, kwana, alomar toma arupepen. Idum ijo nukokau kwana, nuka Aipuceta ka Ekanisa, kwana ilosi oni adolokin toma arupepen. Koruni arupepe,

ido arupepe itodiarit acepak ejie, arai apaaran naka epucit. Arai, apolouke, erai, "atukonokin nepepe naka itunga," arupepe.

Kotema Paul, "Naeinakina arupepe aruo naitorokok, luangai ekapakinokan kanuka ejie, arai kanu ainapakin, arai nuperai ngesi kere?" Ingai ejeni? Ibusakinit ijo kojoni nueruor arupepe.

Kanukangun, neruikino arupepe, kianyuni oni icebore kakwap lolo. Ejai ationis naepol nenice. Nginitunganan ejeni ngun. Nginitunganan araun loikerepikit. Akwap kere araun akwap naikerepikit, ido kijeni oni ebe ejai ibore erono. Pentagon, nginiboisit, kijeni oni ebe ejai ibore erono.

57 Kwana, Eipone bon loijenuna ijo nuerai aruo naka arupepe, nges asesen nuebala apopula naka ekosio. Kes ngun bon. Erai aruo naepol, iteijo ka airam.

Kwape, Petero ka epeet, iteijo, nejo...arai...kosodi apwakunan aiwadik eitabo, ido edairekita da ibusakinit kojai toma omoyo ngopengon loka apwakunan. Arai mam nges ejatar, einakini aruun namam ibecokina, ido konyet nginibore kere ailocokin.

Ngin nges erai ationis lolo. Ijaasi oni ka idairekitas kotoma...mere kotoma omoyo loka ekapwakunan. Ebalas kesi, "erionget, ee, iyuunit isio nu."

Mam ace nuilimuni ijo, edolit Ebaibuli. Adaar kes kinga kotupitete apapula naka ekosio kanepokane koingaren ke, kanen do aruun naepol naka asiomisoit naepol naka Edeke ejai erami kokinga ejok, kanen do ipedori oni aanyun esawa ka neibwoia oni.

58 Kwana koany, arupepe erai anyaraun itunga nepepe, atukokin kesikulepek nepepe kanu icebore. Acepak kabu kolimo etunganan loepol.

Kwape kotoma Yosepu, iturunete kesi arupepe, kodoluni Yosepu; loerai ejenunet naka "Arupepe Naepol" nainera oni nuke, ido ekaulo idolokini, Isaiah. Ebalas ngun, "naeruuno Arupepe Naepol, naikeunere emusalaba ngon kuju, kuju ngina; kosodi konyet edoluni apak naiturunere Arupepe Napolon, ido atekerin kere atukokin Yerusalem." Erai nen naegearor apugan naka Kristo naikar elukumit; Arupepe Napolon.

59 Kwana, anyararo na, naka epucit loka arupepen, adolun naka icebore. Koany Apukokinio 8:7, arai ikoto ijo aiwadik. Ianyuni oni Arupepe Nasodit, isiarari akako kangina, aokot, akim, Kakwap; cut kwape Anyoun, neanyarara Edeke itungaKe kinga, kotoma anyoun.

Kwana, alosikinet naka Arupepen Akanyaarei nu mam ikamunit Ekanisa lo ka atur na, erai naarai erai neejai Isirael bon. Erai anyararo, naka atukonokin itunga. Ido kwana ejai adiope ajokis bon toma ne nakoto eong ijo adolokin toma, kodakikan idis, nges erai neianyuna ijo kanukinyo mam nu ikamunitotor atur na najari oni kotoma; Arupepen Akanyaarei.

60 Ajeni eong itunga luipu mam ecamanara ka ngun, konye ajeni eong kes nu. Ajeni eong ngun. Mere naarai alimu eong ebe inera ijo ngun; naarai, mam eong adumunit ngun kaneka elopet. Aomoom ka mam erai naka elope. Nupe erai Ngesi loalimokini eong, arai mam edolito, akesapolou mam edolito. Konye mam eong ajai einer ngun kanuka, ajai eong einer kotoma kanuelimunit Etunganan ece. Etunganan ece Ngon nges Edeke loeneritos kaoni ido aswam iboro lu kere lueswama Ngesi, kaitanyikin, aanyun, kanukangun ajeni eong ebe erai abeit.

61 Atukonokin naka Isirael nges Arupepen. Arupepen erai kanu atukokin Isirael. Koany, aruun ngin Nasodit naka Arupepe; aokot, akim, akako, kanginibore, isiarari alupok. Iteijo? Araibo inyo eswamai Ngesi? Ayaun Isirael kinga nako Misiri nakomoyo, iteijo, abongor toma akwap ke.

Kwana akoto eong alimun nu cut kane, ebe, nginirupepe na akutakino, ekutakitai kokwap naka Aipucet Naikanyet kape. Idolokini oni ngun kodakikan idis, neikamuna oni Aipucet kangina. Eruunitos Arupepen kere kokwap naka Aipucet naikanyet kape.

Naarai, Aipucet Naikanyet kaarei, ajai aililing. "Amamei idiotunganan yenageni; ngon nges edakika arai esawa loebunio Kristo," kwape epukoritor Ngesi ngun mamawok.

62 Konye ngin Arupepe eruunit kokwap naka Aipucet naiKanyet kape, kotoma areyo naka Iyudayan. Koany, Apukokinio kwana, lo 8, kosodi agear ka esuula lo 7. Kere arai anyarauno kinga naka Isirael, kotoma akuan, koMisiri; kwana erai anyarauno kinga naka Isirael, kotoma aijen naomoyo. Ajai nges ainakin kes akapakin kanu abunere naka epucit loka ailuc.

Koany, epucit loka arupepen nges losodit, loarai pentekost. Epucit loka ailuc etupakit nges, apaarasia akaisakany kau. Epucit loka ailuc, kosiom ngun kane. Ibuni oni, acepak, arai ejai apak, ibuni oni aanyun ngun kasiomakin ngun neiyaasi yes Kobaibuli, kane kotoma Ilebin 12, kwana, arai Ilebin 23, kwangin, ka Ilebin 16. Idumuni oni ebe losodit arai epucit loka arupepen. Arai ailuc ka...akaul angun kotupakini pentekost, kwana idumuni oni...epucit loka ailuc etupakit epucit loka arupepen.

63 Kwana koany, aruun naka Arupepe, erai ngin kanu atukokin kes nepepe. Kwana, koruuni Arupepe Nasodit, kojai akako, aokot, akim, ekutakitai toma akwap, kwape cut kejaar koMisiri, akapakin anyarar kes apaaran naka ailuc. Iteijo? Apotu kongero alucet nakabeit. Ido ikaru lu etoojar aitor ne, arai ekaru loka pentekost. Iteijo? Kwana aruo kanu Iyudayan etupakini.

Erai lem na anyaraunio kinga naka Ekanisa. Kosesen ejok. Kwana, ani, ekaulo, abu ngesi koyanga kes toma akwap nakaisumunet; naebuni Ngesi aswam ibore ngipengin, kotoma naejenunet, eyangaari Ngesi Ekanisa toma akwap naka aisumunet.

Kiitute, ngin Arupepe eruuni kokwap naka Aipucet Naikanyet kape, bon kanen do naiturunere nges.

64 Koany kwana, becebec, ainyikokinit naka Nuiwadikatai, ngipengin becebec. Kokwap naka Arupepe Naikanyet kaarei, erai neejai Isirael ngipengin kwape ajaar Aipucet Naikanyet kaarei neejai Ekanisa. Idumuni oni, kokwap naka Aipucet Naikanyet kaarei, ebe naimoyon kaluajaasi kwap naka elutaari kangina, luapotu kodumutu ibaputan...keponi koinakinai ibaputan, mam erai ebe iswamatos kesi tetere edumunete, naarai ajaasi kesi toma apak naringar Edeke isomanara ka asianut ka Imo, mere Iyudayan. Itajario Isirael kwape ateker. Imo erai "Itunga kanu EkiroriKe," mere ateker kanu EkiroriKe. Isirael!

65 Ido neareuna Hitler ka kes Iyudayan, kosodi aswam iboro luesomaete kesi kokwap ebe; kosesen, kes, Stalin, Hitler, kaluotorob ngun kere luapotu kikeunos kuju. Korai ajaasi oni kapak, kanuatetemonor kes nejaasi ice ikadolunak, konye kidau oni aitor toma angun. Kwap natur ngipengin, naajai toma Girimani ka akwapin ace kere, esiarakinos Iyudayan anatar akwap kere. Konye ekeun, ikar akaisaarei luatuboros, areyo naedwar asurokit Iyudayan.

Ajai eong kinga ngina toma aiboisio numojong necweata kesi awate kec, ka aicwear, ido aitosom ekuron kec aiworia alupok. Idwe Iyudayan, ka angor, ka nginibore kere. Ido konyet kes atamit angerit ngun; ayangar kes cut kinga kaitodikin kes neswamaere ngun.

Arai areyo naedwar asurokit isirael, naarai arai apak nanyararere nges kwana abongor toma aluco. Eringa ngesi ejai toma aluco naka imerekek ilopet. Imerekek ilopet yenikaEdeke nges alucet, ido anger ngesi Ngun ido ejaasi Aokot mamake ageun sek. Koany, aisikapikin itunga! Eipone loitekorar kanen do Arupepe Naikanyet kaarei ka Apucet Naikanyet kaarei erai, aitegoro nepepe, areyo naka Iyudayan.

66 Koany, kotoma Apukokinio esuula lo 9 ka ekokoro lo 13, kwana koany cut ejok, kokwap naka Arupepe Naikanyet kape. Apukokinio 9:13, kokwap naka Arupepe Naikanyet kaarei, koany, ajaasi ebwanenok abalasin ilukumin akwataarei luaponi koweni kocilet loka Euphrates, aponi kolacakinai kokwap naka Arupepe Naikanyetkaarei. Kwana mam ejaasi ebwanenok abalasin ilukumin akwataarei toma akwap; konye ajaasi ebwanenok abalasin ilukumin akwataarei. Koany ngun. Akoto eong jo aiwadik ngun, tetere ijo ipedori aisiom kes.

Mam araasi abalasin akulepek. Eyengasi akim, ido kojaasi kesi keda lukatorob luka ayaseper, ido kojaasi keda ikorio. Ido angeset naka ekori aputosi kwape emun, akou naka emun kangesete ke, etodotodei. Iteijo? Arai abalasin nukomoyo, ajokin nukomoyo, etepesenak, luawenitai kotoma Euphrates ikar lukere, ajokin nuapedor. Inyo arai ngin? Apugan nakoRoma namojong ejai aisikwaruun; areyo naka Iyudayan. Araasi kesi luawenitai ayapiar nepetai ikar ilukumin iyarei, kotoma ocilet loka Euphrates, mam apedorete adubor toma aisumunet; erionget loka ediin loajai atamit adolere owai je. Euphrates, ijeni jo, abunere aitorun Eden. Konye awenitai kesi kangina, ajokin ilukumin akwataarei nuka areyo.

67 Ido koany nuetakanunete kokwap Arupepe kangin Naikanyet kape. Alacakinitali kes nejaasi Iyudayan; areyo naka Iyudayan. Ajokin nukapedor, ayapikin ikar ilukumin iarei, kanen do kolacakinitali Stalin, Hitler, nejaasi Iyudayan. Ibala jo, "Ee, mam ngin erai Roma." Erai emoyo ngopengon. Eswamata iboro ngupengun lueswamatos kesi nejaasi Ikristayon, kapaarasia nukolosek nuka Roma nakapirit. Kwana kosesen Isirael alopet, ka Ekanisa lokomoyo kwana, kwape kitiakia nges kane. Alacakin nejaasi Iyudayan.

Iitunit ijo, kokwap naka Aipucet Naikanyet kape, eipone loanginidiope loka ngun luaponikoyari kanuka aiyuun, kotupitete Akirot naka Edeke, edumunete ibaputan. Einakinitai kes kotoma asianut, naarai etumudakitai kes tetere mam kes eanyunete Eijiri kec, ebe itunga lu epedorete anyararo kinga naka Imo kanu ateran. Aponi koinakinai kes ibaputan, ebala Ebaibuli kane, kokwap naka Arupepe. Kec Iyudayan, luitelekarito asurokit Kristo ka nginibore kere; alosikinet naejaatar kesi, nges naarai ebala Ebaibuli ebe itumudakitai kes. Ido itumudakitai kesi kanukon. Ebala Ebaibuli kwangin.

68 Ejai apugan ngin nakoRoma, ewenikina ngina keda (inyo?) apedorosio nuka akelesia. Nue, Roma, Roma nakapirit araun Roma naipapa, ido awenikin ngina toma oionosio kes luka Ekristayone. Atutubet ani naka Ekristayone, kayuuneta nuegelegela nuajaatar kesi nukoRoma inapakitai nepepe nukere; amayo naka angor, kaiboro nukere ice nuegelegela, kapaarasia nuka Ebag, kapaarasia nuka aiyeng, kapaarasia nukalaunak, kaiboro. Eraasi kesi nuwenikina keda inonosio ngun numam kes epedorete alacakin, naarai esurokitos kesi eisomae loka Ekristayone. Esalit epone ngopengon amamus ayongit Edeke, emoyo loka ekapirone! Ido emoyo ngon ekamu atekerin nuka akwap, kotupitete adwaresia nuka Ezekiel ka luce kwi

kere.

Ido aponi kolacakinai kesi neejai Eyudayat, lomam ajeni idiobore yenika Emoyo. Ngun nges nuayeyea nuebwaitai kokwap naka Aipucet kangina. Iteijo? Koany ngun. Itorit oni toma angun. Ido alosi eong aitodikin ijo Arupepe na kane, Arupepe na naka awasia, nuetakanunete. Kes ngun. Arupepen nu elacakino nejaasi Iyudayan, (ijo mam iseseni?) mere nejaasi Imo. Imo, neapukorere kes Aipuceta, araasi nuepucaritai; engetakin apak; konyarete Ekanisa.

69 Iitunit ijo aitapoet apaaran ya? Iitut nuigei airereor nuka ngun? Idibo iitunitos, asabiti natubor eringa nabian? Eipone loajaatar ngun cuticut, eponenete. Ianyunit oni ngun, cuticut, ianyunit oni ngun igasikitos, ibore yenesiliana ikeun kuju, konyaritete ekanisa, einer loesiliana aitelekaar. Ido ateran nginididi, naka anginiterker, nginidiope kakesi kisirite kwape akwap kec naepontotor kesi, kolosete kaibecokina kakonyen nuka Ejakait.

Ianyuni ijo, ejaun apak, acepak, naetemarata kesi, "Ee, aomit eong ebe abeit Ekanisa alosit eringa areyo. Aomit eong ejai aurupooro."

"Adu atubor ido komam ijo ijeni."

Ngun nges abu Ngesi kolim kanuikamunitos Yokana adiopepaaran, ijeni jo.

Kotema, "Eiponeani, kanukinyo ebalatar inabin ebe...ewadikak, ebe Elias ebeit aitegear abunere?"

Kotema ngesi atiar, "Adu abunere." Ido araida ikiyakia mam ajenete ngun. "Eswamakisi nges nuetemokitos kesi."

Aurupooro eraun eipone ngopengon. Kotoma osawa...Isumunit Ngesi aswam ngun. Mam Nges esumunit aitodikin Elias koipone kangon, konye esumunit Ngesi ayangaar Ateran koipone kangon. "Kotoma osawa lomam ijo iomitor," bon aijulakin, kotoma apak naka arwakakinet naka akongu, kouruporete. Kanen do kojalakinete ijo, kanen do ngin nges apak!

70 Ikar ilukumin iarei, emoyo lo itorit otunga luko Roma, ekanisa loko Roma, mam apedori aikunyakini. Konye emoyo ngopengon abunere kuju, nasodit, kwap ngina neejai Mussolini koRoma, otorob. Ijeni ijo ikany...

Iboro ikanykaarei kobu Ngesi ketodik eong, kokaru '33, abuni aitodolikin. Ikany kakesi adautu atubor. Emuron Lee Vayle ejai iwadikai eitabo kotoma kangun kangina kwana. Iteijo? Iboro ikany, ibecokina, ido bon iboro iarei esalito kanu atakanun. Kotema, "Epote atakanun bon eringa Abunere." Kane ijai oni cut awasia kwana, ido esubit bala ibore ngin yenikanyet kape ejai ikunyi cut kuju. Iteijo? Kaibecokina, cuticut, araida ijiisio ka eipone loelosioto atakanun, cuticut kotoma aicunyakinet, ido mam arai adiope apak naetwaniaritor kesi.

Kopupokis, ipapero, ibusakinit oni aimar nginisawa. Mam ijo ijeni neibwoia oni. Igongakina cut!

71 Kwana, kwana kolacakini ngesi, kotoma, kokwap kangin Aipucet Naikanyet kape, ajokin nuimoyoikitos ilukumin akwatarei, kogearete koRoma, Girimani, Hitler. Ido koany ngina toma Obaibuli, neadumuniata kesi, mam cut... apotu kodumutu apedor kwape ikabakan, konye mam aponi kitanapai abokoi. Otorob mam erai ekabaka loitanapitai aboko; bon edumuni apedor kwape ekabaka.

Oo, Emoyo loka Edeke bon elosi kotomaka kwana, ijeni jo, bon inera icebore. Mam eong ajeni eipone lolimunet ngun, arai nulimuna, ka acepak ejok eong mam alimun.

72 Koany, iarei iluk-...ajokin ilukumin akwatat elacakitai mama Iyudayan kangun, necweata kesi kes, apotu kesi kibubukisi kes. Ibwaikisi kesi akula toma amori kec. Apotu kesi koyarata kes, kitoni kes ekwam adaun loyaret kes. Kosodete kesi adianar kes, kitoni arasasin adaun nuinominomet kes. Kosodete kesi aswam nginibore yeniapedorete kesi aswam. Apotu kicweata atesin kec, ka nginibore kere; ido adelonokin toma abwasia, idwe ka kere, itunga luamamei aronis. Naarai araasi kesi Iyudayan, kismamakina kes eipone ngon. Konye kotema Edeke einakini Ngesi nginidiope kakesi ebaputa, mam abeit kwape ajaatar kesi; konye asianut Ke aitumudak kec tetere oni ipedori aanyun.

Aipucet Naikanyetkaarei mam ber epukoro, ijeni jo. Erai ngin abunereKe.

73 Kanukangun eringa kesi ejaasi kwap ngina, konye, ejeni Ngesi oni kane, kotoma airereor. Kwape ka Yokana, abu koyanga nges kuju.

Ido adiope pak, alosi kotoma angolol, ijeni jo; kotema ngesi, "Dobodo etunganan lo loeperi katorob Kon?"

Kotema ngesi, "Inyobo do ngun kanekon arai esalaki ngesi kitoni eong abunere?" iteijo, mam nges abu kosalak, konye abu Nges koyanga nges kuju kosodi aitodikin nges ngun, ibore yenikobu kotakun kitoni Nges abunere. Bon aitodikin nges, aitodiar epulan kere neejai Yokana.

74 Koany, idumuni oni kwana ebe apedor ngipengin kokwap naka ngipekangin, neejai ateker ngipengin, Isirael, aponi kolacakinai ngina. Ido inyo kobu kiswama ngun? Kobu kolot kosodi ayaun ejie, ido eipone loapotu kesi koyaratar kosodete areun.

Kwana kotoma aitolosio naka akelesian nuka ngun! Eong...ijo irai...

Amuno eong ebe kopuko Edeke akonyen kon nejaasi nu kwana. Naarai, ajenu eong nu mam inera bon neejai ekanisa lo kane. Ateep na elosi anatar akwapin kere. Ido mam eong alosikit kanu aitipipil aipup naka idiotunganan, konye bon kanu alimun Abeit.

Kwana angaar adoketait naka akelesia, ameun kanejai aisikwaruuno alopet nako Roma namojong nakapirit, kolosi ngaren nejaasi Iyudayan ngun, nupeduc eraasi lukasurup kec. Engatuny, keda ikela ka nginibore kere, kobu kijesun kwap kosodi atiakar itunga. Roma, eraasi duc lukasurup luka Edeke! Ido aponi kolacakinai kotoma omoyo ngopengon, luka otorob luka akwap, naarai eisomae loka ediini aringa asipo. Kwana adaun alacakin.

75 Nunyoika eswamaata ngun? Kotoma "apirianut," kwape abalar Ngesi, ebunit ngesi toma kwape aitojokio namam elosikinitai. Ido inyobo eswama ngesi? Ejai ngesi ayaun ekansulo loka aimorumorun naka Ikanisan luka akwap luka Ogeresa, emoyo loka etepegan Kristo ejai kuju kec kere, ayaun kes atubutubio, kwape eswamaikinata nace ya, toma osawa lo nyararet Ateran. Eipone ani? Elacario kotoma omoyo loka ekanisa ekalimonokinan. Elacakinitai nejai inyo? Mere nejaas iriongeta; neejai ateran! Konye ne idumuni ijo ngun, Ateran mam itori toma apak ngin. Mam Ebaibuli inherit. Elosi ekanisa, konye mere Ateran. Mam ijo itei? Ejanakinak, mam yes iteete, inacan?

Ibala ijo, "Ibusakinit Ekanisa aitor toma areo, kanu aisitekorio Ke." Aokot nuka Yesu Kristo kes isitekorete Ateran.

Etunganan loeseuni aberu mam ibwaikini nges toma aitananio naepol; adau ngesi adumun asianut, da, keda ya; adumu ya da asianut keda nges. Isupakinos ngesi keda ya. Ido, arai ejai idiobore, idari ngesi ya kanejai nginiboisit kanu aibelokin akekan. Akesianut naepol noi mama kec.

76 Ido ikonakini nepenen kanejai Ateran, ido erai kwangin kanejai Ateran. Oni isuban lumam ibusakinit, nuabeit egeana, konye aKesianut itingit oni kotoma kangun. Kosesen arai idi eolioritos ido komudukaka! Idibo, idibo ikadiakanarak ajaasi toma akwap, kosawa loadumuna eong aitajario! Itajarit eong Edeke kanu alosikinet; ido alosikinit eong, kotoma akoteKe, aswam alosikinet ngin. Mam eong apodo inyo idiobore icie elosi; akoto eong aswam ngun.

Ido kosawa loaanyuna eong ikanisan kere, aibuses kec naepol, "ido abarit, kwabo mam ipuda idiobore," ebalasi; ido kosesen kes, lukitimitoi, lukican, imudukiok; kanen do aibapanar ijo ikeperin motimot, kokotosi ijo acamanar ka kes. Aurutai eong kanu alosikinet, erai ebe kanu aitoron ibore ngin ido kanu anyaraun kinga. Nu eswamai eong.

Iitute, neabunio Yesu toma akwap, amamei idiopet kotoma akwatat luka itunga kotoma akwap luajenete ebe ajai Ngesi ne. Ajai Ngesi alemun atukot ngin naeseunitai. Kotema, "Emamei itunganan yenedepori abunore mamaKang arai mam Papa iriunit nges. Ido ngul kere lukainakini Papa," alimunet nakokau, epote. Ejenunete ngun. Iirarete Ngun.

77 Koany alacakinio naka emoyo loakelesia. Kwana ikar akaisarei kau, akaul naka ejie kangon, ianyuni oni alacakinio naka emoyo loakelesia. Kwap kinyo? Aipucet Naikanyet kaarei; Arupepe Naikanyet kaarei neejai Eyudayat.

Koany amutonor naka elap. Kokwap kakai? Koany nges iriuno kinga, Okoku loka etunganan irutuno kinga naka ekanisa.

Inyobo ngin? Arucokin toma kaibunget naka akelesia. Aiwot naimorumorun naikanisan, ka Ekansulo loka ikanisan loka Akwap (World Council of Churches), etekera ngitunganan...inyobo ebwoikinit ibore ngin? Kanukinyo, ejai ijo aipal aisianakinetakon kere ka iboro. "Epedorete kereka iarei aup nepepe, arai mam kecamanara?" Mam epedorete. Kotema Yesu mam epedorete. Ido eiponeani epedoria ekanisa, Methodist ka Baptist aup nepepe? Eiponeani epedoria Ekanisa loka Kristo aup ka Presbyterians? Epedori kereka Etulikat aup nepepe ka Egeresat? Epedori kereka Egeresat aup nepepe ka Egeresat?

Konye Ateran epedori aup ka Akirot, naerai Kristo. Ibusakinit Nges kojai toma acamanara. Mere eiswamae loka ecclesiastical; konye Akirot. Ibusakinit ijo acamanar keda Akirot, aup ka Akirot, abu Yesu kotema kwangin. Einakinete ngun nges abeit.

78 Koany, engin. Kwana, alacakin ngin, kanu anyaraun angetakineta nu kere nudidik nuelagilagete, "Oo, ee, mam iswamauni adiotiaketait, kedipone."

Ngun nges abu Satan kolimok Keba, "Mam iswamauni adiotiaketait. Ejok. Abeit cut, erai Edeke Edeke loejok. Emina oni kere." Mam nges.

Ipupi ijo nuipu noi nuikamunitos Ngon araut Edeke loejok. Erai Ngesi Edeke loejok, konye, araut loejok, ebeit Nges korai loedolit. Emamei ajokis komamei abeit. Emamei ekisil, emamei aiticianio, egelit. Kanukangun ijai oni toma osawa ngon, loijaria oni.

79 Koany, atipet kwana, ajokin nu nuitegelikina. Kanen, kwap naka agangat naka United Nations, atukosia nuimorikikina nepepe, nukoKide ka nukoToo.

Kwanat akeju nakoteten ka nakokediany naka aputo nabu Daniel koany, Eipone lomam kes acamanaratar ka ainyalakin adiope ka ya. Ido akirot naebala Eisenhower, toma apakio ngun...Eisenhower akepolou "Asuwat." Khrushchev apolouke "elupe." Kosodi ngesi alacar akemukat ido ainomakin nges abaot kotoma...neakwapin nuimorikikina, arai kotoma UN. Kiswama Khrushchev, atwaar awai... Oo, ikatunga! Esawa loijaria oni! Ekanisa ka ejauteneke!

Konye, imalai Edeke, adau Iteran yen didi akapakin. Mam bobo elwana. Bon kotitingik. Mam eyangaikini awojau. Mam eong ajeni awojau naetiai, mam ajeni iwori; emamei idiotunganan ejeni ngun. Konye ijai oni ebe eyapie kwana, cut.

80 Kosesen akelesia. Koany ngun, esube, nuabu kiswamaik kes Iyudayan. Ngun kes itunga luapotu imakakinos okisila luka Edeke. Mam ace arai ikanisan idi ikeunos kuju, inyobo ace, aponi itumudakai kes kanu Kristo, ido imakakina nejai ekisil ngon. Kosodi Edeke ainakin kes ibaputan, ngin idiope kakesi, naarai apotu koloto aario. Iteijo? Eraas kesi...aponi kitumudakai kanuok.

Ne kwana, Ekanisa, lomam ejeni idiobore konye Ebaibuli, komam ace eiswamae loka akelesia, erionget, emamei ibore ejenete yen ikamunit ngun. Eraas kere nuilogwaikito mamakec. Ejenete kesi Nges, ido Nges bon.

81 Itunga lolo eputosi bala nat Petero ka eipone loajatar kesi, kuju Moro loka aijulakinio. Apotu kere oumokisi neanyuniata kesi nuitegelikina iswamas, kosodi idiope atemar, "Eswamautu ediope ekanisa loka inabin, ido ediope loka Musa."

Ido eipone ngon ejaar ka itunga, eswamatar Pentekostals. Apotu kotemasi, "Eswamautu ediope, Assembly naka Edeke; ka ediope, ekanisa loka Edeke; ka ediope, eipeone; ka idiope, eiareine," ka ice kwangin.

Konye nape eroko ngesi inera, kodelori Yawe, "Okoku Ka lo lominat," Loerai Akirot, "Kiiras Nges!" iteijo? Nges erai Akirot.

82 Esawa loijari oni akelesian, nuka omoyon imorikikinos nepepe kwana ka ayaun kes kere nejai aario adiope naepol, ailotar. Ejai sek aiwadikaeta ne, toma akwap na kwana, ebe ebeit ikanisan lu ogolol dimikito arai ijai ijo keda erionget. Erai aimorikikina, erai alungar, kwape ka emacar loka etiang

Do kwana itei ijo ibore erai etiang, mam ijo? Erai apedor. Ido apedor, apedor naka akelesia, kotema Yesu, "Eputokinos noi kwape ibore ilope, ti kingala luseuna korai opedor." Konye abu Ngesi kisumun ajaun keda icebore kane kanuok toma aparan ngin, tetere oni mam ingalangalaun, ido ngin nges Akirot, ka Kristo ainakin ngun aitodiar kaneok. Ejas ajokin nuitegelikina, nu mam akonye itete, konye ipedori ijo asesen nuisuamaete kesi. Iteijo?

83 Koany, ejai atukot ngin alosit, akapakin ikulepek arukio kinga ngin ibore yen mam ecamanara keda kes, ejai atukot acie eutai akapakin, akaulo naka apak Apukokinio 19. Apak naetupakin epupuno ekanisa ebuni elope, da, mere cut kuju na abalasin, konye abu Ebaibuli kotema, "Ajai Ngesi kuju abalasin nakwangan, ido ajoresio nuka Akuj ajaas etupitos Nges keda abalasin nu akwangak." Abeit ngin?

kwape ejatar egurup lo kane ka ilukumin iarei ewenikina ocilet loka Euphrates, ido ejai ewenen kanu ikar ilukumin iarei, ekanisa ngon da awen Emoyo Lokalaunan aapiar ikar ilukumin iarei, kwap naka aario okau angina, ka kwap naka aturio nuka ekanisa. Ewenen, mere ocilet loka Euphrates, konye okek loka asisianakineta ka ikisila lutupitono, lumam Emoyo Lokalaunan epedori aswam kotoma okanisa naarai kanu eiswamae loka itunga. Konye elosi ngesi alakunio, ejai ngesi abongun, ngun nges abala Ebaibuli. Ido iriamunos iarei ngun idiope ka yenice toma alaroik nuka ejie, Lucifer ka Mikael bobo, kwape kotoma ageun. Eenitai kes kanu ikar ilukumin iarei, nepetai, nepetai ikar ilukumin iarei.

84 Mere cut ilukumin iarei, naarai apotu iromayon inyikokisi alosit, Tito kotoma A.D. 96, ka alosit kwap kwangin, aiyar Iyudayan. Iromayon! Luangai aarete Iyudayan? Ingai Tito? Ejeneral loka Roma. Apotu aokot koleliata kinga naka irutei kokwap kangina kitoni...Oo, kosodete atubutub kes, angor, idwe ka nginibore kere. Mam kereka Esekial 9 abala ebe iswamaete kesi ngun? "Koloto kitoroto akidingot naka eibuga kosodete aibwaikin aanyunet nejaas itunga luidinyasi ka aimony," Emoyo Lokalaunan. Ka luce kui kere, "Ikiliok luatubutubok epote ngaren," lulem awenen; atingit kes, atingit kes, kitoni kes alosit ngaren kosodete atubutub nginibore kere yen ajai tom angina. Angor nudidik, angor, idwe, imukerun, ka nginibore kere ice, aponi kotubutuboi kere. Cut

Ejai ne bobo, ebongokini ilopet. Ido ne nges ejai eiswamae loka akelesia ebonguni cut, aisilionor, aipudupudaar nginibore kere yen enyaritai Edeke. Oo, kodumutu eiswamae kec, ka atukosia, ka iriongeta, mam ngun ejaas ka idiobore yen ikamanara keda Ebaibuli. Ilimokinete kesi ijo atipet komam ber kes da iyuunitos Ngun. Eebo ipa. "Kiner nuinera ekanisa."

85 Ngun nges ebala Edeke! Akirot nges Ngin. Ejatar Ateran ka Akirot; eraas Ipei. Eipone ani eratar kesi Ipei? Akirot ngin, naiwadikatai toma ngina, kotoma kon, ainakin ijo ka Akirot araun Ipei. Ngun cut abu Ngesi kisumun.

Kanen, ijuluni Ngesi. Mam Edeke ipuda ekejulan. Kotemasi atiar, "Ee, ijuli oni Ngun kwanata." Imamiatar ijo kapedor aijul idiobore. Iswamai Edeke Elopel akeijul. Ebala Edeke, "Kojaun aica," ido kojaun aica. Ingai ejuli ngun? Kotema Ngesi, "Epotuuni abekot," ido iswamauni ya ngun. Ngun mam ipuda ediojulan; edautai aijul ngun sek. Kotema Edeke ebe etakanunete iboro lu kotoma apaaran na, ido erai. Mam ipuda ediojulan. Ijula Nges Alopel. Oo, ikatunga!

86 Apukokino 9:1, kwap naka Arupepe naikanyet, ekabaka kec...Koany, Apukokino 9:1 kwana, ekabaka loka atukot kana loka balasin ilukumin akwat aarei. Ajatar ekabaka kuju kec, ido, arai kiany oni, arai aacerit naebirun. "Ibirun ca ma kakuj, Wu Lucifer?" Oo, eipone loadumunia Emuron Smith aijen ngin kokuju angina, konye, mam erono, iteiijo, mam arai kanu esawa kalo. Iteiijo? Ejok. "Aipany naemamei enange; ekabaka kec arai ekabaka loka aipany naemamei enange."

Apukokino 17:8. Abu eong kewadik icebore kwap ne. Alosi eong bon asiomun. Iteiijo ne, Apukokino 17:8. Akoto eong aanyun nuinera ngesi kane, naarai mam eong ajeni eipone lotupakinet atiror nu, 17:8.

Kojai etiang loibu koany, ido emamei, ido ebuni adokun kotoma aipany naemamei enange, elosi da amudiaro; eumokinete da ngun loiboiete kotoma akwap, lumam iwadikatai ikiroria kec oitabo loka aijar ameun kapetetait naka aijar naeanyuniata etiang, naarai kejai, ido emamei, ido ejaun.

Iteiijo, "ajai," etwani ipaapa ediopet, ikeun ece. "Etiang lojai, loemamei, loejai; loemamei, loejai." Mam ijulakini ainpeta kes; erai ipapa apak ngopengon, nginibore kere. Nginibore kere ejai alosit toma oiswamae ngopengon.

87 Ido edolokini ai? "Toma aipanya nuemamei enange." Ido ebala Ebaibuli kane, ebe, "Engarenon loka ikesa kalu arai loelomunit kaipanya nuemamei enange, ido ngon nges arai ekabaka kec," ido iboiei ngesi ka aboko naidokitai irwan auni, kosodete aimorikikin igeresan kanges.

Apupunit eong esasedoti loka Lutheran ebala, apaaran ya, kotema...arai, ekalimonokinan loka Lutherans, kotema, "Ee, ingisitos eong itunga kanukinyo anapitor eong akola. Eiponeani epedoriat kesi alimokin eong kaneajai..." Ijai jo ngina? [Kotemari onac, "Eebo."] Eebo. Ido, ebe, mam ngin arai abanganut? Nepetai abu eong apup bala ailek, anyouni awai naka etut. Kotemarete kesi, "Naarai, kes mam ebeit ajaut kadiotiaketait."

Korai Luther, Martin Luther, kopedor apupun ngun, tibelokin kotoma ailit ke, katemar, "Yes luesoswai, mam yes iraasi luka adoketait ka." Uh- huh. Iteiijo?

Konye ijeni ijo neadoloki? "Emamei atiaketait."

88 Ejai atiaketait. Egelakina ber da kanejai nginitunganan. Kotema Edeke, "Kotiaka Eong, ka Paul ka Baranabas," abeit ngin, "kanu aswam." Kotiak! Erai Edeke ekatiakan, mere ekenyalan. Ekot ekanisa ekenyalan loejok, lolo, loecamakini kes ainap igoen luilonget, ka luuriesik, ka nginibore kere ice, ido alomar kinga kainyikokin koipone kangon. Konye ebala Edeke, "Kotiakak Eong!" kotiakar ijo elopet kama akwapin!

89 Apukokino, ianyuni oni kane, ebe, "ekabaka kec arai loabunit kotoma aipanya nuemamei esange," ido ngopengon ediope lo "alosi toma amudiaro," toma ka kinga, toma ka kinga, kolosi kinga.

Koany toma Ilebin, esuula 23, Eipone loibecokinar aijulunet keda ainapeta ka Akiot, keda nuitamit oni ainakin kwana. Koany nu kwana, ainapeta. Kwana ianyuni oni. Apukosi bon ido kasioma ngun kanu apak naedit. Kotoma Ekalimo-... mere toma Ekalimonokinan, konye Ilebin. Ilebin 23, kwana koany nu kane, Ilebin esuula lo 23 kwana. Ido mam oni ikoto awaniar nu cut, kwana, tetere oni kidumuni ngun iwadikatai ne kanuwok. Asubit eong bala mam adumunit Ilebin kotoma Anyoun, Eong apedori? Abeit, Ilebin kwana. "Kosodi Ejakait..." lo 23.

Kotema Ejakait Musa atiar

Kolimok idwe luka Isirael ebe, Olap lokikanyetekaarei, kapaaran nasodit naka elap ejaun aibworar nakayamakina kamakus, aisiitunet naka aikut arupepen, atukokinet nakalaunan.

Iswamaete...aswam naelangir kotoma angina: konye mama iinakinete...ainakinete naeinakinere kakim mama ejai Ejakait.

...ido iinakinete ainakinet naeinakinere kakim mama ejai Ejakait.

Kwana kosesen. Kwana koany.

Kotema Ejakait...Musa, atiar,

Konye kapaaran nakitomonet naka elap lo lokikanyetekaarei nges apaaran naka ailuc:...

90 Iteiyo, ailuc etupakinit... kosesen kwana. Ailuc etupakinit aruun naka Arupepe. Iteiyo? Eipone loibusiar! Iteiyo? Apaaran naka ailuc etupakinit arupepe.

Kwana-kwana, apaarasia akaisakany nuka arupepen, kanuwok, itodiaritos nearuunoto arupepen kopentekost, nearai apaarasia akaisakany. Kwana-kwana-kwana, akaulo kanu, kongerete Iyudayan Ngun.

Kwana Arupepen eraas kanu anyaraun kes abongun toma Ailuc ngin, iteiyo, Ailuc na angerete kesi. Ido kongerete kesi tetere akonyewok epedorete apukor; araasi nukec nuagolokina. Ido kotoma apak na, kopukoros Aipuceta nu, kosodete akutakin Arupepen. Ido kwana, kotoma akutakino naka Arupepen, bon eringa Mesia ebuno, naarai ejai kes ajaun toma Palestine. Kosodi iitunit ijo ajai Edeke aitinikik etau Parao, kanu alemun kes kinga nako Misiri; ido Nges aitinikik Stalin, Mussolini, ka ngun kere, kanu ainakin kes abongun toma akwap naka aisumunet, nebeit ilukumin akwatat akaisangon kanuwongon ajaun.

Ido kwana, kanu apak nasodit kotoma olukumin nuka ikar, ikar ilukumin akaisarei kaluwongon, lueraar Isirael akwap keda emedera kec. Akec ajore, ka kere, ido iitunitai kotoma UN. Nasodit ngun aisomaun. Emedera lomojong kakere loeporitor kotoma akwap, kapak kana, epori bobo, ikany...aacerit naka Daudi naisodai ikanyape. Abu Ngesi kotema ebe ebuni Ngesi aikeun emedera ngon kapaarasia nuka awasia, naebonguna ya. Ijai oni awasia. Emamei abunokin kanuka ngun. Ijai oni ne.

91 Koany kwana, katipet, Apukokino 9, kokwap naka arupepen akanykaarei, "ekabakakec erai lokotoma aipanya nuemamei esange."

Kanen kotoma Ilebin, kwana, eipone ibecokinar aijulunet ejai ne ka Akiro! Naarai, iteiyo, etupakinit katipet, eyubili loka pentekost kotupakini apaaran naka ailuc; ainapeta nuka apak naepucit. Kiding epucit loka pentekost, kitoni ailuc, aruun naka arupepen kanu ailuc, arai epucit loka pentekost, apak naeoj. Kosesen, ajai apak naeoj kiding epucit loka pentekost, kitoni anyararo naka arupe...aituruuno naka arupepen, arupepen kanu aruun; apak naeoj. Abeit, arai apaarasia akaisakany, ageun opucit loka Pentekost kitoni opucit loka ailuc, arai apaarasia akaisakany. Kwana, apaarasia akaisakany nges iriamara asabaton akanykaarei.

92 Asabaton akanykaarei nges ikar ikanykaarei luka ekanisa, Aturio nuka Ekanisa. Kojen ngun? Iteiyo? Iteiyo? Kwana, adaun aitumudak Iyudayan, kidaritos apak nakere, kwape abukunere Araitto nasodit naka pentekost neejai Ekanisa. Ido ibunit isio kwap aitorun aturio nuka lukalaunak aayario, ido kwap aitorun atur naka esiteteunak, ido kwana toma atur nanyarauno kinga; aiboisio auni, Emoyo ngopengon; kwape Papa, Okoku, ka Emoyo Lokalaunan, Nges ngopengon. Iteiyo? Konye, Aturio Akanykaarei nuka Ekanisa, nges asabaton akanykaarei.

Cuticut asabaton akanykaarei ageun kopentekosit yubili loka arupepe...epucit loka pentekost yubili, kitoni...Aibwakibwak naka iisutan, ido kanen do eyubili loka Pentekost. Ido kanen ageun oyubili kitoni ailuc erai asabaton akanykaarei, apaarasia akaisakany, ido angeset naka apaarasia akaisakany nges iswamaere ailuc. Ijenu ijo ngun? Kwana, ido erai lem na aitupuset, ebe Ekanisa...

93 Neapukorere Nges, Ngeselopet, kwape Okoku loka Edeke, ejai epukonor neejai Ekanisa kotoma abatisimu naka Emoyo Lokalaunan, kwap aitorun aturio, toma atur naka pentekost, iteiyo. Bon inyikok adumunun nuiyatakina kanuiyatakina; aitojokio kanejai Luther, aitalaunio kanejai Wesley, abatisimu naka Emoyo Lokalaunan.

94 Kwana na nges apak nanyarauno kinga. Kotoma Aipucet naikanyetekape, neapukorere nges, kodoikini areyo Iyudayan, kotoma oipone bon loka aoomoom nuikamunitos aomisio; ido ne kodoluni areyo toma okanisa, kotoma aoomoom naka akelesia; naarai, adaun anyaraun Ateran. Adaunos asabaton, ido akapakin kanu Iyudayan anyarauno. Alosit bai? Opucit loka ailuc. Oo, ekanisa, iyes mam imisiikito ngun? Anyarauno toma opucit loka Ailuc, (inyo?) kanu ajenun Ailuc; mere bobo akokorei ka atudo, ka nulem iswamaete kesi. "Imerekek yen Edeke, earitai anyoun kapesikino naka akwap," ebuni isirael ajenun Ngun.

95 Koany, ne ejai ibore yenepol. Kosesen! Oo, ikatunga! Adautu iriongeta aiwen Emoyo Lokalaunan ikar ilukumin iarei lukere. Idumuni oni ebe, adau Ngun. Kwana koany asabaton, asabaton akanykaarei, mam apedorete adumun erot kere kinga. Ebalala Ebaibuli, "ejaun apaaran namam eraun akuar arai apaaran."

"Ido Nuiwadikatai kere," kotema Yesu, "ebeit aitodolikin." Ngun erai abeit? Kotemasi, "Amen." [Kotemari atukos, "Amen."]

Kotema enabi atiar, "ejaun apaaran namam epedorio anyara paaran arai kuare, konye kotoma apak

naka atibong ejaun Aica.”

Arai ngin inyo? Akolong ngipengin naecai koKide nges ngipengin akolong naecai koToo.

Nginipak naelomuna akolong kotuo, kosodi alosit atubor alomar kwap otuo, apolouke aijar kon. Imukeru yenididi idouno, enonok, nuka atupuruc. Nepetai isawan iarei, kolosi osomero. Ikany katutubet, konyouni osomero, erai amwanis naka apaaran. Kanen do kogeuni aijesar kwap kotoma okar akaisakany nuamojong, akaisakanyape, akaisakanyarei, akaisakanyauni, akaisakanyangon. Kolomari ya ngina otuo kotwani; Bon kanu abongun apaaran naetupakit, ido atemar, “Ejai aijar, atwanare, anukio, ajarun.”

96 Ido, koany, apoloo alototo kakolong. Apoloo naemojongit idumuni koChina. Nginitunganan ejeni ngun.

Aibo kobu Emoyo Lokalaunan kodoo? Toma akwap nakoKide, kotunga lukoKide. Ido Eijir alot keda akolong. Abuni ngesi kakai? Ameun kangina koKide, toma Girimani, ikopar koGirimani kitoni Bulaya...Ilami ecilet irwanauni. Mediterranean toma Girimani, konyouni Girimani...Konyouni Mediterranean, anyoun koKide, toma Girimani, itori Mediterranean; anyoun Girimani, kotubor ocilet Imusugut, toma Bulaya; konyouni Ocilet Imusugun, atubor koPacific (Angolol) ilamar toma... arai Atlantic (Angolol), ilamar toma United States (Amerika).

Ido kwana ejai ya Ariri naka angolol nakoToo. Adau atubor ateker naobu ya kitopol kosodi alosit atubor, ido anyikokin alosit. Elosi apolo; elosete Eijiri ka nges. Kwana itunga kere luijesuna ejautene nges ejaasi Ariri naka angolol koToo, nelemunenere nginibore kere, bala adakunun naka ekokoro loka akipi ebuni toma.

97 Konye kotema enabi atiar, “Mam akolong ebuni aica kapaaran kana; ebuni araut apaaran naemusimusi.” Adumutu kesi aica nailosikina, bala apaaran naetepia akiru, epedorete kesi aimorikikin okanisan, ido aiyuun Ejakait, kaiboro kwangin. Konye, kotema ngesi, “Toma apak nakatibong, ikunyarete idowon awai, epote iriongeta aingongaar.” Ido Eijiri ngopengon, Akirok ngipengin eraun akuan, kwape isumunitor Ngesi kotoma Luka 17:33. Eijiri ngopengon, kaibore ngipengin, ebuni atakanun kotoma apak nakatibong, bon naingongarotor itoriben. Eijiri ngopengon, Kristo ngopengon loajari kotoma akuan kokau angina kageunet, kotoma otunga lukoKide, ebuni aijar bobo kotoma otunga lukoToo kapak naka awasia. “Ejaun Aica kapak naka atibong.”

“Nginikirot naiwadikatai naiyengakit Edeke,” ido mam epedori abilio.

98 Apaarasia nuapolok akaisakany atuboros. Epucit loka pentekostal atubor, asabaton akanyaare; kitoni arupepen, aputo naka Aturio Akanyaare nuka Ekanisa. Kiitu, kwap naka Arupepe na Ikanyetkape, Eyudayat...Ipupi ijo? [Kotemari atukos, “Amen.”] kwap naka Arupepe na Ikanyetkape, engerito Pentekostals Ebaibuli; luejalum, mere Pentekostals bon, kere luce. Akwap naka ekanisa engerito Kristo ido ibwaikilai Nges kinga. Ido toma Arupepe ngipengin...Ido Aipucet ngipengin, nepetai, neapukorer Nges, aitodiar Kristo okinga naka ekanisa, etamit abongor toma; isawan ngupengin, aruo naka Arupepe kanu Iyudayan, kosodete Iyudayan ajenun alucet. Aibuses! Halleluya! Oo, ikatunga!

Ewenitos icileta luka iriongeta kalu Emoyo Lokalaunan, nepetai kanu ikar ilukumin iarei, konye ebeit alacakin kapak naka atibong, Aisiraret naka apak-nakatibong. Emoyo Lokalaunan abongun toma Okanisa bobo; Kristo, Nges elopet, epukoritai kotoma akuan naka etunganan, kapak nakatibong. Ebala Ngesi. Kisumunikit Ngesi ngun.

99 Ajaas adokena auni nukangun, kwape alimunitor eong. Lukaario kanuka aiyuun, atur naka kalu aario kanuka aiyuun, kanuke; ido konyet adoketait naka ikesiteteunak; ka kwana apak nanyarauno kinga.

Naengetakinor, katur naka Laodikia, kotoma Apukokino 10, aiyeiyea naka Ebaibuli kere kojenua nejai Ateran. Ngun eraas abeit? Apukokino 10. Kopupok ejok kwana. Uh-huh. Ateran, enyaraunitai kinga keda Akirok; Kristo Nges elope enyarauni Ateran kinga, aisidedeleun Iburanian 13:8, ebe erai Ngesi “Ngopengon bian, lolo, ka ikar kere,” iswamai ngupengun, Nges ngopengon. “Ngin yen keyuuni Eong, aswamisiso nueswamai Eong iswamai ngesi da.” Iteijo? Luka 22...arai, Luka 17:30 ka bobo Malaki 4, Iburanian 4:12, Ikokoron lukere lukisumunitai, ebeit ajaun kiding Aipucet na Ikanyetkape ka Nakikanyetekaare, ka Arupepe Nakikanyetkape kan Nakikanyetekaare.

100 Epucit loka Pentekost engetakin kotoma apak naka Arupepe Nakikanyetekaare, naarai naetupakit erai Abunere naka...Aipucet Nakikanyetekaare, naarai naetupakin it erai aiyeiyea naka Abunere naka Kristo, ka, da, eruuni Arupepe kanu Iyudayan. Ituuruno Arupepekec Naikanyetkape, ido, naiswamauna ngun, einakini aitijenun nejaas kesi apukorio Okoku loka Edeke; apak naka ediope saw aka atutubet. Kiitute, aruun naka Arupepen kere kotoma Aipucet na Nakikanyetkape. Aipucet Nakikanyetkape edauni aiyeiyea, kwap naka Aipucet nakikanyetekaare, mot eroko Nakikanyetekaare epukoro.

101 Koany, kane Ilebin 23:26. Eipone ani inapitere Ikokoron! Akaulo naka apak naewoja naka pentekost, nabu Isirael konger okau angina; ido abu Ngesi konyarau Ekanisa loka Imo kinga, kotoma opucit lo loka pentekost. Idi bo emisiikitos nuerai epucit loka pentekost? Erai araito naka...araito nusodit nuka aidweny,

araito nusodit nuka ajarun, epucit loka pentekosit.

Siri kitwania nu, itunga! Ido, yes luijaasi toma atEEP, kopupokisi ejok!

Arai na apak naka epucit loka pentekosit. Aperoto Iyudayan kililingete; apotu kesi kongeroto Ngun. Kwana ejai kes anyarauno bobo toma alucet. Ijeni oni Ingai erai Alucet; mam kes. Ido aruun naka Arupepe, akaul naka eyubili loka pentekosit, enyarit Iyudayan nepepe. Mam ijo iseseni Eipone loka Arupepe naka areyo kwap naka Hitler ka kes, koduoror? Ido aitingaikin Iyudayan abunere nepepe, kanu aitodolikin Nuiwadikatai.

Kwana idum ijo ngun? Nuadumutu ngun kere, kotemasi, "Amen." [Kotemari atukos, "Amen."] Ejok. Mam erono.

102 Koany kane kotoma Ilebin, 26 kwana, ainapeta nuka kanuiwadikatai. Akaul napak naeoj naka pentekosit. Naengetakin kotoma anyarauno kinga naka Ateran, ebulesit enyarauni Ateran kinga. Luengeritai, netupakini, ajenun kotoma Isirael, epucit loka alucio. Koany, kane eputos kwanat toma Ilebin esula lo 16, kwana, necorakina Ngesi epucit loka pentekost...arai epucit loka alucio, konye kotoma aiboisit na enyarao kes...

Oo, eipone loitekoror! Kodum ngun, ikalimonokinak, Iteijo? Mam itwaniarete ngun, ikejaanakinak.

Kotoma opucit loka pentekost, loebwoikinitai kotoma Ilebin 23:26, arai 23, nges epucit loka aibworu, mere eyarit, loka epucit. Aponi koyari epucit...aponi koyari alucio, nepetai. Aponi koyari alucio. Ilebin 16, eraasi ngun nuitirianakina toma kangun. Bon, kotoma aiboisit kana, koraasi nuenyaritai Isirael kanu aibworu kanu adiaknareta kec. Eipone loitekorotor ngun, lolo! Mam erai aitemun aiyar naka Ngun; nae, itodiarit Musa, kotoma ainom atiiba irwana naiyareit; mam abu kiswama. Mere eyarit, loka epucit; konye aibworu, naka ainger Alucet. Oo, ikatunga! Na nges eraun Arupepe; epucit, elosio ainger, kanen do kitijenunete Mesia.

103 Koany, ejenunete kesi Mesia kec naeanyuniata kesi Nges. Ebunit Ngesi kotoma apedor, lolo kana, Ngon loamoete kesi. Ebunit kotoma apedor, kanu Ateran naMoit, ido epote Iyudayan ajenun Nges. Ido kanen do ebala Ebaibuli...Oni adaun alimonokin ngun napena kane, nepetai ilapio ikanyape kokau, arai adepar. Ebala Ebaibuli, naelimunatar kesi, "Aibo kidumuna Ijo ajimis ngun?" Idibo iitunitos Aisiraret ngin? Ikeutu akanin kus. Abeit, ijo...iteijo? "Aibo ti idumuna Ijo ajimis ngun?"

Kotema Ngesi, "Kotoma togo loka ipaperoKa."

Iitunitos eong alimonokin kotoma apak naejuKara Yacob idwe luka Isirael kwap ngina kanu aomere iboro, ka inyamata ka iboro, ka eipone loejoseikina Yosepu bala mam ejeni kes; ka eipone loapotu iboro kolosio, kanen do itijenun nges elopet? Iitunitos yes? Kosodete kesi akurianar noi, kolosete emonyete. Kwape ationis kaYacob.

Ido kane idumuni oni Iyudayan kotoma areyo; mam ijeni nebwoiata kesi kwana, konye ejaasi kesi abongun bobo.

Ido neanyuniata kesi Alucio etakanuni, ebala Ebaibuli, "neanyuniata kesi ngun," kotemasi kesi, "epote agitar ere ediope kanejai loce, ido aibworu adaun apaarasia, bala ekal loetwaniarit ikec etelepata loerai ediope bon. 'Aibo kidumakini Ijo ajimis ngun?'"

Kotemari Ngesi, "Toma togo loka ipaperoKa." Iteijo?

104 Kiitute, kodaute Ateran alosit toma Akuj da; ajai aberu Yosepu toma togo loka ekabaka. Ido Yosepu airengear nginibore kere kanejai ngesi, kosodi aitijenuun nejaasi inacan ke; itei jo, AberuKe ka idwe ka kes ajaasi toma togo loka ekabaka nebonguna ngesi bobo ainakin Nges elopet ajenun nejaasi Iyudayan. Ngina erai Alucio. Ngina erai aruun kon naka Arupepe. Ngina nges nebalasi kesi, "Oo!" inyobo ngin? Ngina erai Alucio. "Aibo ejaasi kesi ajimis apote kakai?" kes ngun.

"Kotoma togo loka ipaperoKa"

Kiitute nuapotu inacanake Yosepu lolimutu? Kanukinyo, alimunoto kesi, "Kwana ilosio aiyar oni, abeit cut. Iswamat oni ngun. Iswamat oni aronis kwangin."

Kotema ngesi, "Mam, Edeke iswamat nu kanu aitajar aijar." Iitunit ijo eistore, kotoma Ageun? Iteijo? Iteijo? Kanukangun iswamat Ngesi ngun koipone kalo, kanu aitajar aijar naka Imo, Ateran. Kotema, "adumunit Eong kes kotogo loka ipaperoKa; konye mam inyunyurikin, iteijo, siri kikurianar"

105 Kotemasi kesi, "Oo, ikatunga! Isio apotu adiakata cut aanyun Nges? Ngina erai Alucio, ido isio aidiak Ngun? Wu Edeke!" Ido kes atemar, "Etiakara bon kesi ikulepek, ido aibworu adaun apaarasia." Inyo ngin? Alucio; aiturur. Apak na, abunere naka ainakin ajenun, Alucio, mam erai alucio napeduc kolosi aario, bala kotoma Ilebin 16. Konye Ilebin 23 nges apak naka aibworu, kanuka adiaknareta kec. Ido, adiaknareta

kec araasi, kes ainger Ngun.

Oo, mam ijo iseseni neijai oni? Mam ijo iseseni kanukinyo kes Arupepen mam eraatar idiobore kanewok? Eruunitos kes kere kokwap naka Aipucet wok Naikanyetekape. Iseseni ijo kwana kanukinyo mam Emoyo Lokalaunan acamakina eong alimun ngun? Ido Papa loka Akuj ejeni, ka Ebaibuli lo koingaren ka, erai ngin Abeit. Mam ajeni ngun kitoni bian, apaaran ya; kotoma agolaka ngina neapukoria Ngesi ngun, abunere mamaka kosodi ainerakin kaeong. Abonguni eong, katemari eong, "Aberu, amisiik eong ngun kwana. Iriamakina bon Ngesi kaeong kotoma angina kosodi alimokin eong. Ejai ne, naminat." Iteijo? Iteijo, ejai ngina, iteijo, kaitekooro bon kotoma aipuc.

Oo, itunga luemamei Ngesi, kolomutu toma katipet! Emina korai arereng naka awasia naimina ijo kojaatar. Mam ijo ijani anibo apak naeminar Ngesi abunere.

Epucit loka arupepen. Ebalala Ebaibuli, "Egitanaros kesikulepek, ediope kanejai loce, ido ailip ka aimony, naarai bala etunganan ka ikokukec idiope bon eoliorit."

106 Koany, akoto eong aiyatakin alimun idiope ibore. Kopupokite ejok kwana; siri kitwania nu. Eipone loinomiata! Kanejai emalaika loikanyetekaarei (eyakia loka Aipucet Naikanyetekaarei) Aisiraret kotoma Apukokino 10, nges Aipucet Naikanyetekaarei, nejaasi Arupepen Akanykaarei, kokiding kangun irwanarei...

Wu Edeke, Eiponeani kilimuna isio Nu, kanu ainakin itunga aanyun Ngun?

Erai kiding Arupepe ngin Naikanyetekape, ka Arupepe Naikanyetekape ka...Arupepe Naikanyetekape ka aruun Aipucet Naikanyetekape kotoma apak ngipengin. Ido kidinga Arupepe Naikanyetekape ka Arupepe Naikanyetekaarei, ejai enabi loebait atakanun eringa Imo, kanu anyaraun itunga abongun toma Aisianakin nasek nakopentekosit; ka ikajenak iaarei nuka Apukokino 11 aitanyikin Iyudayan, kanu aijukar kes neejai Yesu, nape eyangaro Ekanisa kuju. Kesi kere, inabin! Amen! Akiroto naka Ejakait mam epedori abilio. Mam eraun erionget! Ijo iany ngun?

107 Kosiom toma Oitabokon kane kosodi aanyun arai ngun okiding Arupepe Naikanyetekape ka Naikanyetekaarei mam irupunitai toma ngina, acamakina Iyudayan nuejaasi anyarauno kinga kokiding Aiticanio Naikanyetekape ka Naikanyetekaarei, ibuni oni kuju naka ngun ilukumin akwatat ka akaisangon kaluwongon (ijo iitunit ngun?), nuajaasi kiding nakangun. Iitunit ijo? Kiding naka Naikanyetekape, Aipucet Naikanyet ka Aipucet Naikanyetekape...Kiding naka Aipucet Naikanyetekape ka Aipucet Naikanyetekaarei, ajai anyararo kinga naka ilukumin akwatat akaisangon kaluwongon. Iitunitos yes ngun? Kwana ngina nges abunioto arupepen nu toma cut ngina, iteijo, ka areyo, ka abalasin nualacakitai kangina.

Kanen do, kokiding nakangun, kanen do abeit Aisiraret naka emalaika loikanyetekaarei ajaun, najai alimonokino ka aitoron ipetekootin. Ido adautai agolor Yesu kinga; mam apedori aisomanar ka idiotunganan, agoloro kinga, angerio. Ebalala Ebaibuli kwangin. Naarai, erai Kristo itodiaritai akidingot wok, Yesu akidingot wok kere, kitodiaritai kotoma alaunit naka AkirotoKe, ainakin Ngun ejenunos. Ido arai erai ngun...

108 Mam nu erai bon nuisomaunitai, ipapero. Eraasi nu INERA EJAKAIT KWANATA, Nuiwadikatai.

Ido kotoma apak ngipengin...Kwana, nape Ekanisa lo (Ateran) etukokinere nepepe, koyangarete ya kuju; ido aiyeiyea ngin naka Aipucet Naikanyetekaarei, arai Aipucet Naikanyetekaarei, aiyeiyea naka alosit. Ido anyarauno Iyudayan keda aiyeiyea naka Arupepe Naikanyetekaarei, nuerai inabin iarei, Eliya ka Musa, ido ebongunete kesi. Ido nen nges igurokit ipetikootin akwes; ejaasi emootos icebore atakanun; konyoute Ekanisa. Ido ngun eraasi nu Iyudayan.

109 Kwana, apupi eong kotoma aomisiokit icetunganan, ebalala, "Mam ngon epedori araut Musa." Eebo, erai. Kwana, iitunit ijo, epedori Ngesi aijen aomisiokon. Uh-huh. Uh-huh. Enyikokit eong aipup ngun...abeit.

Akoto eong aitetenaar ngun ejok kanukon. Arai Musa. Naarai, aomisiokit kon na. Ibala ijo, ebe, "Musa, mam epedori arau Musa, naarai etwanit Musa." Iomit ijo erai Eliya. Erai Eliya, abeit. Nai, iomitor ijo, "Erai Enoch." Ibala ijo, "Adau Musa atwanare." Konye, iitute, epedori ngesi ajarun bobo. Iswamat ngesi. Akaul naikar akwatakanyauni, akaul na akwat nuikar, kotakanuni ngesi kotoma orongat loka Aijulakinio. Ibala ijo, "Akaul naetunganan adaun atwanare?" Eebo, ipa. Abu Lazaro kotwana; kojaruni bobo; ido kanen do ajai atwanare bobo. Iteijo? Abeit. Uh-huh. Ido araida ikadiakanarak ejarunete bobo, ido kanen do ejai atwanare atwanare naiyareit. Ngun erai abeit? Kanukangun kolema ngun kotoma aijen kon. Erai Musa. Kongic aijaanakin kon, bon cuticut nueswama Musa ka Eliya; agolokin akuj ido akutakin akim tomake. Ijeni ijo ibore yenapotu kesi kiswamata.

110 Koomoom ngun! Erai apak nakawasia, ipaper. Haleluya! Aparan naepol naka Ejakait eyapie. Kotukokinos nepepe. Epucit loka Mesia; engerete kesi Nges, kosodete adumun ebe ngon nges Mesia kec. Ebalala Ebaibuli iboro luinomete kwapanat kanu etakanunete.

Kotoma Apukokino 11, enyarit, aijaanakin kec eraun aijaanakin naka Musa ka Eliya enyaritos Isirael,

kinga naka inonosio luka Iyudayan; bon kwape anyaraa Aisiraret naka emalaika loikanyetekaarei Ateran kinga naka inonosio luka pentekosit. Iitute, Musa ka Eliya ebeit anyaraun Isirael kinga naka alucet namojong naka imerekek, ka amerekek, ka aokot, ka akinei, ka ainakinet, neejai Ainakinet nabeit nakajaran, toma Akirot.

111 Ido Aisiraret naka emalaika loikanyetekaarei, kokwap naka Arupepe ngipengin, nginibore kere cuticut ngipengin, Aipucet ngipengin, erai kanu (inyo?) anyara itunga, Ateran, kinga naka Pentekosit ka inonosio luka akwap, neejai Alucio nakabeit, Akirot, Kristo ituputoritai kotoma AkirotoKe kane, aitarauun akuan akidingot wok. Etogogong esayanis ngun, kotoma aputosia. Ejeni Ekanisa ngun, airimun akwap. Ijeni oni ngun kagogong, naarai mam Nges elimokitor oni idiopebore kotoma INERA EJAKAIT KWANATA konye nueraasi Abeit. Mam Nges alimunit, kokwap kangina kocilet, "Kwape ejukunere Yokana lokeBatisan, kwapekwangin elosio Eyakia lo airiun kinga..."

Angoliari eong kuju, ido korai isawan ikanyape. Esawa loka isawan ikanyape lukakuar ejai ne, ipaparo, mamawok. Iteijo eipone loeratar Nuiwadikatai nuitekooro? Itekooro, eipone Ngon...

112 Ngun, Koany, mam ngun elosete araut ecerionget elosi kwap ngina kanu anyaraun Iyudayan. Elosete araut ikiliok iarei, Musa ka Eliya. Kes kere iarei, inabin.

Kwana koany. Kanu anyaraun Imo, Ateran kinga, abu Ngesi kisumun kotoma Malaki 4 aswam iborengipengin.

Ido ebalala Ebaibuli ebunio agolor Nges kinga naka ekanisa, kotoma Atur naka Ekanisa Naikanyetekaarei. Egoro Nges kinga naka ekanisa. Elosi abongor amuton cut, kosodi alosit...Aibo elosio amutonor cuc? Elosi toma okansulo lokaimorumorun, Okansulo loka Akwap loka Ikanaisan. Egoro Nges kinga cut. AkirotoKe, mam ecamanaros ka Ngun. Ijeni ijo mam kes ecamunete. Mam kes ecamunete araida kotoma atukosia kec ikulepek ludidik; eiponeani elosiata kesi acamananar kaNgun? Kanukangun, eyangarete emacar ece loka Etiang, aputo mama etiang. Iitutos, ebalala Ebaibuli, "Ajai aputo naeswamatai mama etiang."

113 Ido United States na erai duc esuula loitomonetekauni. Egeunit ka akwapin atomonauni, aipugasia atomonauni; aacer atomonauni, aceronoro atomonauni; esuula itomonauni, ido duc aberu. Etakanuni ya kotoma osuula itomonauni loka Apukokino. Ido, nasodit, erai imerekek; iyapepeara, alacakina naka einer, alacakina naka ediini, kace da; ido kanen do kodumunete apedor, ido einer kapedor kere najaatar apiu koingaren ke. Arai ngin inyo? Araibo apiu inyo? Roma. Iteijo, ajaatar emacar, aputo naka etiang, kanu aikeun kuju asurokin Ekanisa loka Edeke elopet. Kokwap kec iriongeta, epote aitan ibore yen! Konye, negearata kesi aswam ngun:

Koyangaari Imerekek Ateran Ke ajaut osiep Ke ikar kere,
Ajoreso kere nuka Akuj etukokinos;
Wu, eraun asesen nakaibuses, lukalaunak kere kotoma anapito nakwangan naemamei
ilimakinet;
Ido ka Yesu elosete ainumunum Ikaru kere. Amen!
"Kobia kenumunumata," enyarit Ejakait, "Kobia kenumunumata." (Amen!)

Koany apaaran najari oni kotoma, esawa! Kokerata, itunga, okerata kanu ajar kus!

114 Koany kwana, kotoma agolokin, aijaanakin kwape emalaika loikanyetekaarei. Ikajenak iarei, kokwap naka Arupepe naikanyetekaarei, bon eringa...arai, Arupepe naikanyetekape, bon eringa Arupepe naikanyetekaarei enget-...

Kwana, kiitute, ido alimokit eong yes abuni eong ainyakun nu, "Arupepe Napolon." Kotema ngesi, inyo epedori Ngesi aswam, kokuju kane kotoma Isaia? Kotema ngesi, kotoma... "Ebuni Arupepe Napolon aruun. Arupepe naepol!" Mere Arupepen kwana, epucit loka arupepen; ejaasi aarei kakesi, Musa ka Elias, kanu anyaraun Arupepe. Konye, kokwap "Arupepe Naepol," Abunere naka Ejakait, kanu alimor abongun naka Yosepu, iteijo, ebe atekerin kere epote atukokin Yerusalem. Amen. Idumakini ijo ngun toma Oitabo loka Isaia. Ainakit eong yes ngun, apak adio kokau, ediopet kotoma osuulai kangun isiomit oni; nges toma Isaia 18:1 ka 3. Kosodi toma Isaia 27:12 ka 13, nges ne ituruuna Ngesi ngin "Arupepe," ido atekerin kere nuka akwap epote ajenun Isirael kotoma alupok kec, Edeke ka ngin.

115 Kanen do ebuni ateran kanu ajaut ka Eteran, ido Eteran ka Ateran; ido kanen do Apugan naepol naikar elukumit naka Kristo, akaul akwap kere amudiario keda apedor naka eboom loka atomic. Ido ejaun "akuj naitetet ka akwap naitetet," epote ajar ikar kere.

Koany, cut kokwap...kwana koany, aijaanakin naka Musa ka Eliya elosi... Kwana, nginitunganan kodum ngun? Akoto eong alimun ngun bobo. Aijaanakin naka Musa ka Eliya, kiding Arupepe Naikanyetekape ka Naikanyetekaarei, eraun inabin iarei luepote...kes...Iyuuni Isirael duc inabin kec.

116 Kwana, kanukinyo alimokina eong Emoyo Lokalaunan neageuna eong kokuju angina, aitodikin kes ebe arai Ngesi Okoku loka Edeke, kobala, "mam ber"? Iitunitos yes ngun, nepetai ikar ikany kokau, korot ka

abear India? Kotema "Mam iswamai ngun."

Katema eong, "Ebalasi kesi, 'Arai erai lo Mesia, aanyutu oni Nges iswamai aanyunet naka enabi. Iyuunit isio inabin."

Onac Lewi Pethrus ka kes ijukakitos eong Ibaibulin ngun; neainakinata kesi emilionit kakesi nejaasi Iyudayan luapote Iran ka nginiboisit kere, abongun bobo, atukonokin kesikulepek nepepe, araun ateker.

Kotema ngesi, "Mam iswamai ngun kwana. Eringa ber esawa." Kanen do abongori eong ore. Uh-huh. Oo, ikatunga!

117 Musa ka Eliya ejai anyaraun. Ejai eyubili loka pentekosit eringa elosi, arai ejai kitoni apak na. Iteijo? Kwana epucit loka Arupepen ejai ajenun. Ido lo kokuju kane loka Malaki 4 mam erucokina ka ngon kokuju angina; mam cut, mam cut. Koany, kosesen ne, aijaanakin ebuni araun Musa ka Eliya, ebeyanakinosa ka anyaraun Isirael kotoma oionosio luka Iyudayan, kopupok, kanejaasi inonosio luka iyudayan luenyalakina kesi toma. Arait inabin, iyuunete kesi- iyuunete kesi nges, enyarit kesi toma opucit loka Alucio, Kristo, acamakin kes ajenun Kristo. Etemarete kesi, "ebunit Ngesi. Ebuni ajaun ne." epote iyudayan atukonokin, iboro kwanat kangun.

Ido kanen do naebunio Ngesi, etemari, "Eong Lo." Iteijo?

"Aibo kidumakini Ijo kes apoorei?"

"Toma togo loka ipaperoka."

118 Kwana, kwape keswamatar ngupengun inabin ngun iarei! Iitutos, Ateran naMoit ebeit ajaut ka enabi, loanyaritari Elias, Eliya, nabeit anyaraun kes kinga naka inonosio kec, Ateran; bon ngupengun kwape inabin luanyaraunete Iyudayan kinga naka Judaism, toma Kristo, Alucet. Ido ejenete Imo Alucio sek, konye erai kanu anyaraun Ateran abongun toma Alucio nakabeit, neasabaton nu (akaisakany) kes... Asabaton nu kere akanyaarei nuanyoutu kesi awai kotoma; enyaritos kes abongun toma apak nakawasia. Akanyaarei...kopupok! Eyakia loikanyetekaarei loka Ekanisa, eyakia loikanyetekaarei loka Arupepe, eraasi kere inabin. Kwana, abeit ngin.

Kicumakisi, ilukumin akwatat akaisangon kanuwongon.

Anyaraun, Aipuceta, nuaraasi nuka Imo. Ajai arait Imo, kanu angaikin Imo, kanu aanyun Ekanisa loka Imo. Kes ngun kere nuijeni oni. Kes ngun kere nuilosoni aipup; nuedautai aitutub. Kimoi oni Yesu.

Ibala ijo, "kwana, idarek apak edit, Onac Branham, eyuunit eong ebe elosete kesi aswam nu."

119 Aanyunet nakawasia ebe Aburaam...Ido kirai oni icokat Aburaam yen akabakanut; Ateran. Aanyunet nakawasia naanyunitor Aburaam eroko aanyunet naesumunitai kebuno...kobuni okoku loesumunitai, arai nyo? Edeke, kotoma aputo naka etunganan, napedori amisiikin aomisio nuka itunga; ediope etunganan, mere aibunget; etunganan ediope, mam ace arai idi luituputooro. Ajaatar kesi Ediope, ido amisiikit Ngesi aomisio nuajaasi toma ngina. Inyo? Ido, kotakanuni ibore yenetupakit, Aburaam ka Sara aibelokin araun atumunan lokiliokit ka naberu. Ijeni oni ngun.

Kwana, ajeni eong ebe esubete ngun bala imyedete yes mot kwana. Konye, kiitute, bon tetere ijo ipedori amisiikin cut kwana... Mam ijo isiomi ebaibuli kwanata; kosiom kiding naka ikokoron kosodi aanyun, ainakin aput atakanun.

120 Kosesen. Arai Sara aberu namojongit, ebala Ebaibuli. Ngin, kes... "Atwanit aures angin." Ngun erai abeit? "Ajar Aburaam arai na atwanit kotomake, icokat ke." Ngun erai abeit?

Kwana, kiitute, Atwanit icokat Aburaam. Ikar akaisangon kokau kodumuni nges isap ikanyarei kanejai aberu ace. Inyo obu Ngesi kismama? Abu Ngesi kijulak awatekec.

Kosesen, konyoutu kesi alosit amairon akwatauni, kwap kitoni Gerar, erot loewoj kanu etunganan loemojongit.

Ido aomit Sara da ebe mam kes apedorete ajaut ka epajane loekal. Ebala ya, "Eong..." ikar akaisarei arai adepar, acepak, eringa kes edumuna epajane loekal. Kotema, "Eong aberu namojongit, ka ejakait ka, da; adumun eipud bobo, bala itunga luatumunak?"

Kotema Ngesi, "Ejai kireka adiokirot nakekaruni?"

121 Koany inyo kobuotakan. Katipet ijulakin ya, abongor araun aberu natumunan. Aitodiar, kotoma angina, aitodiar nuelosi Ngesi aswam neejai icokat Aburaam yenakabakanut, kanu aijaun Okoku loesumunitai. Abu ya ibelokin araun natumun...

Koany, kolosete kesi kwap toma Gerar. Ido inyo kobuotakan? Abimelech, ekabaka, aisimaar ya,

kotemari, "ibus ya ido elai," ido kolosikite adukokin ka ya. Ngun erai abeit? Amojong tata; ka kes apesur ace nuebusiak kokwap angina. Tata, "Elai ya. Ibus ya asesen." Iteijo?

Abu Edeke kijulak akuanake, ido aibelokin kes. Erai aiyeyea naebait apukor kwana kotoma apaaran na, loerai Okoku loka etunganan, iteijo, Aisiraret natibong. Iteijo? Aibelokin! Ido ngin arai aanyunet nakawasia naanyunete kesi, arai (inyo?) amisiikin itauon ngin, eringa aijulakin naka akuan edoluno.

Ido eringa oni epedoro aijaun Okoku, inyo etakanuni? "Eruuni Arupepe naka Edeke; lukatwak kotoma Kristo kes lusodit ajarun, akuan naitetet; ido oni lukijari ido kasalito kijulakinio, toma apak adio, toma airwakakinet naka akongu," aleluya, "ido ikamar kuju nepepe, airiamun keda Ejakait toma apak." Adaun aiyeyea aitijenar; apukor Aipuceta.

Abu Arupepe koruik kanu Isirael; ekapakina inabin iarei atakanun. Inyo ngin? Ekotokin Ekanisa anyoun kotoma aiboisit kopekwana, tetere etakanunete. Mam epedori aiswamanar ka iarei toma apak adiope; mam iswamator. Iteijo?

122 Oo, onac, kosesen! Cut, anyarar kere, anyarar kes kinga naka iriongeta ka inonosio. Kwana koany ekanisa loka atur naka pentikost adaun.

Ekotokin Ateran anyoun orot, alosit kuju kwana; tetere ibulesin iarei, ibulesin iarei luka Edeke, toma Apukokino, inabin iarei epedorete atakanun kotoma aiboisit, kanu akutakin Arupepe Naikanykaarei nejaas kesi, aitodiar nekec Kristo.

Emalaika lokikanyetekaarei, eyakia, atemasi, "Koany imirekek yen kEdeke yen elemanari arokisio nuka akwap!" mere, "Koany ekaMethodist, ekaBatisayot, ekaPentikotit." Konye, "Akirot, Okoku loka Edeke, imerekek yen Edeke yen elemanari arokisio nuka akwap," naarai emamei bobo ace petetai! Iteijo?

Ideuna apak naetia ai? Ejaas Iyudayan obukey. Anyaraun Ateran. Kotoma Kanuiwadikatai, nginibore kere cut nuabu Ngesi kisumun. Ikapakina oni. Adolu esawa.

Abilibilunos akwapin, ejai Isirael akwenyun,
 Aanyuneta nuabu Ebaibuli kodwarite;
 Imarar apaarasia nuka Imo, ka imusumenin luitotolikito;
 "Obongosi, O luisiarisar, nejaas lukus."
 Aapu apaaran naka alakuno,
 Ejaas itauon luka itunga aipirisaar kanu akurianu;
 Kilelebun ka Emoyo, kinokokisi ataalai kus kocaete,
 Ongolia kuju! Aapu alakunio kon.
 Esabete inabin luka engalak, engerito Abeit naka Edeke,
 Ebe Yesu loerai Kristo nges Edeke wok; (Abeit ngin.)
 Konye kibuni aitor neicakacakatos inabin.
 Aapu apaaran naka alakuno,
 Ejaas itauon luka itunga aipirisaar kanu akurianu;
 Kilelebun ka Emoyo, kinokokisi ataalai kus kocaete, (Mam ijalijalaikin.)
 Ongolia kuju! Aapu alakunio kon.

123 Abu enabi kotema, "Ejaun Aica toma osawa loka atibong."

Ejaun Aica toma osawa loka atibong,
 Erot loelosi Aibuses idumuni ijo cut;
 Kotoma orot loka akipi, nges Aica lolo,
 Idaikitai toma Okiror loka Yesu loketiai.

Ludidik ka lumojong, kitoronokinos arokusio kus kere,
 Elomuni cut Emoyo Lokalaunan cut toma;
 Apotu akimian nuka atibong,
 Erai cut abeit ebe Edeke ka Kristo eraas Ipei.

Kijai oni ne! Kijai oni awasia. Mam ngin erai ibore taai yen ibang yen ketunganan. Erai ngin INERA EJAKAIT KWANATA.

Ketuluroto awok akwes.

124 Edeke loitimono, Yawe, Lokapedor kere loabu kogiro komoru Sinai; kosodete itunga elulu, "Kiner Musa, mere Edeke, kenyekisi atwanare." Abu Jo kotema, Yawe lokapolon, "Ekeuni Eong' kes kuju Enabi. Mam Eong alosi einer kakes bobo kwana." Konye abu Ijo kisumun nuilosio Ijo aswam, ido abu Jo kismama; abu Jo kitonyoik isio Ejakait Yesu. Nges nges Akirot. Ibala Ijo ebe arai Ngesi. "Kotoma ageun ajai Akirot, ido kojai Akirot mama ejai Edeke, ido korai Akirot Edeke. Ido koraun Akirot akuan, kosodi aiboi kokiding wok."

Kiseseni oni iboro luabu Ngesi kodwarak oni kane, kanejai enabi Ke, Yokana, kotoma apujan naka

Patumo. Kiseseni oni itodolikinosa, kitoni anyukuta. Kitei oni Emoyo Lokalaunan itodiari kokiding wok kane kotoma akwap. Kianyu oni ebe alemasi Nges iriongeta kinga naka ekanisa; Akirot. Emamei kes idiobore kaitunga; erai Akirot ngin engarasi kesi. Itepegit Ngesi einono kec. Kwape kijaar Ijo kane kotoma akwap, irai Ijo Akirot, ido itepegit Ijo inonosio kec; kosodete acakar Ijo kinga naka ikanisan kec, kotoma kanginiboisit.

125 Ido kwana, Ejakait, emamei aimorikikina, nenidio. Aitam alomar karaida Ngalakimak naka Afrika, neajeni eong ebe ejaas ice itauon ngina idaritos. Nginiboisit, ido etakani mam ijaunete eong, Ejakait. Mere kanuka, Ejakait; erai kanu Aisiraret kana. Konye, ibala Ijo ebe ikonakini nen, ido kitijenik Ijo isio tetere mam isio itegi. Ijeni isio esawa loijaria isio.

Edeke, itunga lu eboioto kane atupuruc na, toma agoola naemwana, naepi kane. Apupokisi cut. Eesenete kwana, acamunit eong. Karai mam kes, kitodik kes, Ejakait, kanukinyo mam Ijo kicamakitor eong ayangaar Arupepen ngun. Etei eong emamei ngun obore ikamunit isio. Cut toma Arupepe ngin Naikanyetekape, abu kotakanu kere, ido kidau oni aanyun Arupepe Naikanyetekape epukor. Ido kianyu aitapoet kane, isabitin iarei kau, naka airereor naka Ateran ka ekanisa, kwape keneritor eong kane. Kwape kitodikitor Ijo eong, Ejakait, abu eong kalimu. Kijai oni ne. Acepak ayeka apak adepar eipone loiwomitor oni.

126 Wu Papa, arai ejai icetunganan ne atupuruc na, yen ayanga etale ece, ace aswamisiot na edini, arai akirot naka ediini naitegelikina kanejai Akirot naka Edeke! Ido mam kejenete Kristo lokabeit, Emoyo Lokalaunan lokabeit. Mam epukokitai kes, Akirot, konye, eipone loebeitor Akirot ajaun kotoma apaaran na. Iteete bon einono. Ejarete kotoma Aica naitumudaki. Kwape nat engasit loapolon loiswamatere kakwap, arai toma Bulaya, arai aica nangalat eswamai. Ido engasit loepol kakere loiswamator ekanisa kon, arai neayangaarata aica naka iriongeta kosodete ainger Aica nabeit naka Ebaibuli, Kristo.

Wu Edeke, koraun loitimono! Itajar luewoliorito, Ejakait. Okwe, elipit awojau mot, Yesu, kijatar luminan. Awojau mot. Eyapie akupuno na emoru kangon loepol. Kocamak, Ejakait, arai ejai idio ne atupuruc na komamiatar Jo, kocamak kopotu kopana, kajijim, kosodete aijaun Jo.

127 Kwape kituluritor awok akwes. Korai opedori ijo aikiar akonikan, kotema, kiitunai, Onac Branham. Mam oni kijaar...elebunos ilutaarin ka iboro. Kisirereng Edeke. Kotema bon, "kiitu eong da." Kisirereng Edeke. Kisirereng Edeke. Kisirereng Edeke. Akwatai nuakanin akulepek!

128 Edeke Papa, ejai itorube idio nenice. Kolema, Ejakait. Iboiete kane agoola. Mam...acepak itumudakit Satan akonye kec, toma apakio nuatuboros, konye elipi ebe irwakakini Ijo ngun, kwape kiswamaikina Ijo sio kotoma apaarasia nuipu kokau. Konye kwana kwape kiwororo Ijo isio kere akonye...ebala Ebaibuli ebe amudukaka kesi. Mam ejenete. Kotema, "Aso ketetemikini jo ebe, kogwel kamaKang ekiya da lokinyonyoa akonye." Edeke, kitosom ekiya lokinyonyo atupuruc na akonyenekec, terere epedorete asesen. Karaida kinapaara, kotoma aibunget naka itunga luinapaara; ido inapaara, lumam esiomito, ka ace, konye korai eipone ngon ajaar kotoma ageunet. Kocamak ngun, Ejakait, ebe ijaunete kesi Ngun kopekwana. Ainakini eong kes Nekon, Kokiror Okoku Kon Yesu.

Ido ibala ijo, "Ngin yen iirari Akakirot." Acamunit eong, Ejakait, keda akaijen kere, eirasi Ngun. "Ido aiyuun Ngon loejukuni Eong," mere kesoswai, konye cut aiyuun, ido kiyuuni ngun nuebala Akirot. "Ejaas kaijar naikar kere, ido mam edolokini atubokinio; konye atubor anyoun katwanare kitoni Aijar." Yokana 5:24.

Kocam, Ejakait, ebe eraunos lukon, anyoun esawa lo angetar. Arai ejai aumokinet toma aomisio kec, olema. Karai ejai itunganan edeka akidingot kosi, kocamak Emoyo Lokalaunan loepol, Ejakait,...lo, ajeni eong ejai; ido aitodianar aomisio, abwa kane kotoma otut. Ejenete nuikamunitos ngun. Elipi ebe itangaleuni Ijo kes, Ejakait. Adaun aingiseta kere.

129 Engaario atapar nejaas ngun lumam itulumitere Kokiror loka Yesu, koyanga Ekiror loka Eteran. Ejaatar erionget, akelesia; emamei idio yen ibatisatere komaeta ka "Papa, Okoku, ka Emoyo Lokalaunan," arai icokicokitere; ido iboro lu lukeinono lukeraas luka ikanisan luka atur kana, atukot etepegak Kristo, aputo naka etiang. Emamei idiotunganan yenibatisatere kokiror loka "Papa, Okoku, Emoyo Lokalaunan," kitoni ekanisa loka Atulik. Ebaibuli kere, ka eistore kere, akaul angun, ebala ibatisatai kes Kokiror loka Yesu.

Kotema Paul, kotoma Ogalatian 1:8, "Konye arai isio da arai Emalaika loebuni kotoma Akuj, kilimonok yes Akiro Nukajokak nuegelara ka ngun, korau loikenitai." Ido Jo aicorakin itunga ngun luebatisatai kokwap naka Yokana, ngopengon loebatisai Yesu, abunere ido aibatisaun bobo Kokiror loka Yesu Kristo, kotoma Aswamisiot 19. Ido kotema, "Siri kicamak araida Emalaika alimokin ijo icebore yenegelara."

130 Ebunit eyakia kapaarasia nuka awasia, ebuni aingarenikin itunga abongun toma araito nasodit, abongun toma Aiyuun nasek, kocamak ngun, Ejakait, Eyakia ngon loepol akidingot wok kwana, Kristo lokapolon, Emoyo Lokalaunan einakit atakan, einakit aijen, apukor Akirot cut ka apukokin Ngun mamawok, elipi kingarenik Ngesi kes toma Aiyuun, nakopentekosit nasek. Kwape abalar Petero, Kapaaran naka

Pentekosit, "Kitoronikinos, nginidiopet kayesi, kibatisaunos Kokiror loka Yesu Kristo kanuka aisionio nuka adiaakanareta." Ido arai kwangin ikar kere, neejai nginitunganan, kitoni okanisa loka Roma kotoma Nicaea.

Edeke, korai loitimono kwana. Elosio akapakin atapar; kopukoro itauon. Kolom toma, Ejakait Yesu. Ijai oni toma osawan lukawasia. Arai ejai arereng, Ejakait, lokes abunere toma kosawa kalo; nua, amuno eong ido amuno ebe ejai. Ido oni nuijai toma, Ejakait, elipi oni aimar kwana, ebe idau oni aanyun ka apupun Eporoto loka Edeke inera kitorite AkirotoKe, ido ijeni oni esawa loijaria oni. Kocamak ngun, Papa. Ibwaikini isio kes neijai Ijo, Kokiror loka OkokuKon.

Kwana keda akwes wok ituluritai:
Kanonok ka kanonok iworoi Yesu,
Iworot ijo...



www.messagehub.info

Nuelimonokinit

William Marrion Branham

"... toma apaarasia nuka eporoto..." Apuk. 10:7